



09410

敬業堂詩集卷四

海寧

查慎

行履
梅餘
高鑑
藏

遄歸集

起壬戌五月
盡癸亥九月

客揚中丞幕下且三年德尹以壬戌正月北游余
在黔聞之遂束裝遄返與季弟潤木局促里居甫
周一歲不及待仲歸又將出而丐於親舊矣合歸
途所作及家居詩共成一卷名曰遄歸集

發貴陽留別大中丞楊公三首

風波纒過又烽烟一路看山漸近滇浪跡南雲真萬里
濫竽東郭忽三年孤熊舐掌粗知分飛鳥依人正自憐
不覺對公成洒涕也應容我賦歸田

敬業堂詩集卷四

一

鄉社扮榆隔後塵交情翻借布衣親勒銘事大才難稱
絕代人稀見始真寶匣異光刀剖玉銅盤高燄燭輝銀
他時重話西征績慚愧曾充幕下賓

紛紛桃李艷公門駑鈍如余尚服轅明鏡何私顏欲換
清談無用蝨空捫人來江左名慚項詩和春陵格紀元
束縛倘酬知已分敢隨流俗說啣恩

高寨

綠蕨荒無際黃茅直到天祇因鄉路遠猶自惱啼鵲

度雲頂關

目極雲生處到來雲滿身時清存畏路興盡有歸人馬
力疲堪惜禽言聽似真往來經戰地白日起陰燐

將至清平縣馬上作

石秀山漸佳城荒日將暮遙見孤烟生猶知有人住

晚宿龍里縣署

官舍周圍帶土墻盆池新漲接方塘歸人已夢田廬好
只道蛙聲是水鄉

母豬洞觀瀑

巖中六月交山路苦焚爇臥聞夜雨來快起尋乳穴入
洞微有聲足底響嗚咽出山忽震怒閃睽不容掣巖前
匯奔流人駭馬辟易來如曳組練一綫注飛白跌爲淵
潭深湛湛落澄碧石牙互參錯吞吐霹靂舌直從灣深
底跳沫騰百尺慘慘天變容凜凜風作雪岡頭杜宇叫

敬業堂詩集卷四

二

萬竹劃然裂將歸得竒觀頓解肺肝渴

冷溪

溪渾三尺雨馬渡一汀烟徑轉長防虎沙平忽有田斷
雲依岫險亂草得花妍滿眼悲涼意新詩記不全

平越遇雷玉衡索留別之句口占贈之

依舊青衫把一鞭紛紛白面看談邊冷官未了從軍志
歧路猶餘話別緣急雨淋浪茅店外亂山高下馬蹄前
得歸吾已無餘恨只欠游蹤未到滇

雷滇人也

黎峨城北福泉山張三丰禮斗亭尚存

清池照影樹扶疎

亭前有浴仙池長生桂

晝靜廊空想步虛閱世

人來棋散後出山雲澹雨晴初窮塵滾滾孤亭在浩劫

茫茫百戰餘華表鶴歸應有泪舊時城郭半丘墟

題興隆衛聖母閣

隔斷荒城別一丘蟬聲寂歷鳥鉤輈忽來風雨疑無暑
如此林巒合有樓塵刹留僧還築亦瘴鄉有路莫回頭
澹忘未必同靈運直為清暉作少留

寓樓晚坐

一聲清磬出柴關庵主軍持乞米還暝色群群栖樹鳥
夕陽朶朶隔城山

偏橋田家行

結茅住山顛種田在山麓田荒費牛力僅得播種穀七
年際離亂饑饉死相屬稍思歲一稔生命絲或續師旅
比凱旋驕嘶百萬足黔山無水草何以充首蓓成群走
阡陌泥淖沒馬腹食葉躡其根螟螻等荼毒秣芻一朝
盡婦子終歲哭天下自昇平民生有踏踣我為老農語
物理視反覆來年期好收重看秧田綠

晚登偏橋玄都觀後閣

承平推舊鎮設險控西南水勢全趨楚山形尚帶黔壤
城平似掌古觀廢成庵即事多興廢兵戈實厭談

重宿灑陽中山寺贈紫橋長老

水色山光淨眼前下臨無地有蒼烟長虹自亘西來路
峭壁剛支北面天開士偶逢堪一咲舊游重到已經年
亂離風景勞生夢可少秋堂借榻眠

舟發沙灣入沅州境

烟村紅日吐初晴野泊舸艚促早程秋水澄鮮魚味美
曉山葱蒨鳥言清城連槃瓠形猶壯灘過鸕鷀怒未平
我是沅南留滯客舊游一一總關情

天星灘

明星的的吐飛湍石勢參差亂眼看莫擬乘槎到天外
偶從竒險博竒觀

神堂灣村家

布裙翩翩短幅高髻亭亭古粧望看人成翁媪不知世
有姬姜

辰溪縣晚泊

敬業堂詩集卷四

四

夕陽孤塔表辰溪江面初寬地漸低從此一舟平似掌
萬峰回首夜郎西

瀘溪

傍穴纍纍架樹梢懸崖百丈俯江坳小舟恰傍山根過
長恐風狂隨鳥巢

兩頭織織曲二首

兩頭織織舫子船送郎只到洞庭邊四時雪浪灘前石
白日雷霆枕底天

兩頭織織月上弦中秋屈指又今年歸路二三百里近
別家四十一回圓

晚過界亭

晚景融怡剪渡還，鳧鷖隨我過前灣。
半江風色參差浪，臥聽猿啼夾岸山。

桃源訪胡孔志不值

漢陽分袂已多年，聞說遊蹤久入燕。
歸路我經秦峒，故人貧就廣文。
擅棗麻舊俗，今誰主苜蓿荒齋。
醉少緣秋雨暮，帆惆悵在可堪回首洞庭烟。

沅江縣治濱湖，居民皆漁戶。水盛時舉家乘舟入湖，秋冬水縮則結茅沿岸住。

官舍無城傍水濱，鷓鴣鵲鴨半居民。
疎燈幾點夜呼渡，老屋百家秋結隣。
岸曲蘆深長響雨，船頭魚健欲驚人。
饒他小縣輸漁課，賦斂湖湘俗久貧。

敬業堂詩集卷四

五

將之長沙留別沈將雲

武陵溪口手重揮，獨向長沙未得歸。
憑寄家書傳客況，爲言弱羽又分飛。

青草湖

淼淼湖光天盡頭，曠曠初日起蘆洲。
小船百折行難到，一片蒼雲白露秋。

長沙舟次聞德尹入黔之信二首

去年此地君思我，君到黔中我又歸。
世路茫茫誰料得，離人黯黯意多違。
兩萍湖海原難遇，獨雁瀟湘正嬾飛。
此夜夢回姜被冷，殘燈疎雨倍依依。

歧路匆匆過朗州，弟去常德纔五日而余至菊花初約誤林丘。
音塵

京國書遲達詩草炎荒客善愁道路半年成萬里
月自故鄉入都今又來黔故云江湖一信到孤舟
跼蹐浪泊來何爲歸去吾方羨少游

長沙喜遇彭南陔

鷺立蘆花淺水蠅肥稻壟新
霜夢去故鄉秋好一尊閒
話瀟湘

長沙雜感四首

水遠山平極望賒湖南風物一長嗟
屈原已去終亡國吳芮如存可世家
湘竹舊痕啼夢雨薜蘿新鬼怨囊沙
孤城自繞殘陽岸風急秋清急暮笳

敬業堂詩集卷四

六

犀兕人傳棄甲多蜀虎連年勞
悵望黔驢無技任譏訶
孟明一青功無敵別路今聽唱凱歌

窮年供億奈兵荒穀賤傷農力
莫償地遠舟車還絡繹
時清圖繪有流亡勞魚未必忘
煦沫集鴈何當穩稻梁
十萬人家君勿問如今瘠土是三相

卑濕南遷事可哀鬼神宣室召
空回君臣如此猶嗟命
絳灌何人乃忌才史漢高文光
照耀江山故宅客徘徊
治安敢擬長沙策直爲先生痛哭來

同南陔九畹遊嶽麓中途遇雨興盡而返

網帙曾披北海碑南游雅興素
心期好奇歷險人皆咲
冒雨尋山興又癡雙履泥痕苔
剝落一江帆影浪參差

衡山咫尺猶難到，敢望雲開似退之。

八月十四夜洞庭舟中風雨再寄德尹黔南
扁舟小泊最蒼涼，那更回頭望夜郎。
浪跡久經烟瘴地，懷人今在水雲鄉。
燈紅極浦秋何際，月黑寥天夜有光。
滿眼江湖飛不到，始憐羽短道途長。

洞庭阻風歌

湘陰去岳陽湖面，一日程雲從北來。
風色惡，吾力敢與吾命爭。
船頭紙錢撒白雨，舟子酬神致私語。
老鴉啄肉掠水飛，廟祝鳴鐘月東吐。
大哉神靈本至公，憑私詎可祈感通。
不如繫船整篷索，南北東西預難度。
明朝風便從爾行，莫使有風帆力弱。

敬業堂詩集卷四

七

中秋夜洞庭對月歌

長風霾雲莽千里，雲氣蓬蓬天冒水。
風收雲散波乍平，倒轉青天作湖底。
初看落日沈波紅，素月欲升天斂容。
舟人回首盡東望，吞吐故在馮夸宮。
須臾忽自波心上，鏡面橫開十餘丈。
月光浸水水浸天，一派空明互迴盪。
此時驪龍潛竄深，目炫不得銜珠吟。
巨魚無知作騰蹕，鱗甲一動千黃金。
人間此境知難必，快意翻從偶然得。
遙聞漁父唱歌來，始覺中秋是今夕。

湘江舟晚

清湘清徹底，人影淨征衫。
秋水漸歸汜，遠舟惟見帆。
荒洲無雁到，落日被龍銜。
一樣天邊月，今宵迥不凡。

岳州

湖腹平吞爾許貪湖唇一噴勢難拊力爭全楚功誰隄
讖應孤城戶已三客夢埃長還埃短夕陽山北又山南
太平設險非無意漁獵丸泥敢尚探

湖中盜賊充斥故云

赤壁

一戰三分定英雄洵有神古今才不偶天地局長新故
壘秋吹角荒江晚問津祭風臺下路惆悵是歸人

夜宿譚洲驛

洞庭晨出險小驛宿兼程漁火遠村沒雁沙殘月明荏
苒荒大澤賦斂窘餘生不敢論時事乾坤及罷兵

過湖口作

敬業堂詩集卷四

八

楚水吳烟一覽收新移鎖鑰控中流誰興乘孔緡錢利
盡算江湖大小舟山脚酒旗孤店晚縣南風色亂帆秋
詩囊壓擔琴扶膝關吏何妨咲薄游

登蕪湖浮圖

落帽家山記幾巡弟兄南北各傷神茱萸明日重陽酒
五處登高各一人

時家次谷在粵荊州在燕德尹在黔惟韜荒家居故云

木末亭謁方文正景忠烈兩公祠

一姓興亡際忠臣尚力爭百年公論定兩字易名成山
雨晴蒸氣江雷怒作聲君看南渡後降表出書生

發儀真

綠楊城郭碧羅洲夾岸紅燈映酒樓爲愛吳船聽軟語

買帆連夜下真州

欲登山山不果

也有登山興中流去不多眼中江路盡翻覺畏風波

梁溪秋晚

繞郭林塘淨晚烟放閒黃犢水平田吳霜未剪江南綠
猶有菱歌動敏舫

初到家得陳六謙書并見寄詩二章期余作北
遊馳聲以報

睽違不在久依依念儁侶與子惜分陰矧乃遞寒暑六
年五寄書故人在肺腑才華我何有藻賞終見許久要
期勿負感子心獨苦師門一回首過眼如風雨初約貧

敬業堂詩集卷四

九

漸渝旁觀惜毛羽青衫行謁選此意吾諒汝昂藏七尺
軀行與衰老伍忿忿簿領下英氣恐少沮并州地苦寒
臘盡雪片舞蹇驢數十驛遠宦等羈旅此邦經五季地
險全用武連延二千年往往警鞮鼓海內今連兵閩粵
接秦楚河東耕鑿安天道合存撫安邑古帝墟唐俗仍
樸魯官清資俸薄折柬到鄉土也擬上羊腸得君作賢
主

哭王右朝四首

還家約略中秋後長路風波恨稍遲六日不詹君尚望
三年重到我成悲魂來蘋末蛟龍駭泣殺燈花枕席知
恠得吳江催噩夢喚迴孤帳雨飄絲

九月十二夜舟泊吳江夢中忽有人

大呼曰三日內汝當有奇禍一時
驚寤明日到家遂聞兄重陽訃信

廿載交親氣誼中蓋棺事了太匆匆擬從顏俗存家法
不願諸甥有舅風水雪一枝憐菀鵲圖書四壁哽秋蟲
東山便是西州路欲學羊曇計轉窮

勿論死別與生離存歿心傷無盡期鮑叔有情貧敢諱
尚平多累出偏遲向來語笑猶堪憶從此肝腸好付誰
海角天南諸弟散訃音欲寄苦差池

未改頭銜屬望虛手題丹旆又躊躇携來萬里千行泪
檢得三年五度書余出門以後
兄凡五寄書好事誰還評月旦餘生

吾久負居諸文壇詩社飛揚氣百念俱灰一慟餘

除夕與潤木分韻二首

敬業堂詩集卷四

十

曾為茆堂乞少資不成覓地向西枝弟兄蹤跡團圞少
兒女心情指顧移扣角騎牛聊復爾設罝守兔定何爲
升沈此際知誰是欲悔身謀又自疑

燈花檐雨夜沈沈懨我淪飄得故林久別翻驚相對影
急裝誰諒倦游心時清壯士才難盡俗薄貧交望苦深
稍喜來年春帶閨未應相對廢聯吟

不見外舅陸射山先生屈指六年今春奉謁里

門旋有吳行兼以送別二首

以下癸亥作

髻霜髯雪走天涯拂袖歸來記歲華海內詩文無手敵
座中筋力許誰誇談深世態多經眼老喜遊踪漸近家
五柳有情難繫別勿論鄉思米囊花

亂餘三徑長蓬蒿粟里田荒尚屬陶逸興人扶雙屐健
名山天靳一星高春濃遠市紅燈月烟泛輕帆白鷺濤
恠底尊前還戀戀六年書疏阻江皋

重過聽鶯齋與徐淮江話舊

風雨高齋別幾春小池佳樹碧添鱗兩湖地主憐君在
三月鶯花笑客頻夢裏何曾忘對榻畫中只合著閒人
倦游莫訝歸心切知已無如穉子真

三月晦日陳元亮家看海棠

一番陰雨花期盡難得君家尚有春路隔西川無好句
眼明南郭又芳辰濃雲薄霧憐香意翠袖紅紗絕代人
還有掛帆惆悵在滿湖烟水夢何因

與顯武別有約而未遂故云

敬業堂詩集卷四

十一

傳經堂歌卓次厚屬賦

後生學術無授受往往談天哆衍口春華秋實古難兼
氣節文章誰不朽塘西卓氏本望族遜國名臣侍郎後
天教一姓留典型幾輩蟬聯起諸叟西京篋衍探源委
北宋儒林辨誰某煌煌藜火燃太乙種種琅函發大酉
雕龍餘技矢穿楊石鼓舊文魚貫柳一經三世屬名家
兩字千秋推作手頗聞名儒後必大賢嗣文孫洵非偶
百年榱桷尚如新別築祠堂寬十畝已看歌頌美輪奐
更蒔花竹貽長久藏經閣曉繙書族譜亭成夜呼酒
才名後先滿南國不比虛名拍箕斗余家盈盈隔帶水
累世交情誼稱厚三十年前枯菀分家運迤邐邁陽九

艱籤兵火蕩餘劫陶逕柴桑慚世守老成頓盡人所嘆
小子無承良自醜竭來塵盞逐游惰筆墨祇用供奔走
祖父遺書讀未成肩堂肩構夫何有詩成對君三太息
獨抱殘經莽回首

同淮江登東湖美珠樓

但令興到便移船我得同游亦偶然疎磬晚潮孤影墮
暖雲濃樹四垂天稱心圖畫憑欄外經眼亭臺落照前
却笑詩成無傑句驪龍依舊抱珠眠

過吳漢槎禾城寓樓

快事相看一笑真忽傳絕域有歸人劫灰已掃文星燦
黨禁初寬士氣伸佳客偶逢如有約

時陳寄齋俞大文俱在座

盛名

敬業堂詩集卷四

七

長恐見無因廿年冰雪思鄉夢纔向田園過一春

漢槎將携

家入燕

吳門喜晤梁藥亭

僕家海東君海南海道相距三千三有時憶君發遐想
直欲芒屨遊瓊儋故人

謂魏禹平

金閭傳好語知是久客猶

停驂買帆兩日風色順百花洲外波潭潭風塵在顏刺

銜袖咲口一豁心俱甘披襟更覺有深致黃鬚綠髮垂

鬢鬢名言霏微齒牙潔絕勝香味飄迦楠小儒窘步不

踰闕訓詁馴繞如衣蟬讀書已破十萬卷可使蹤跡無

窮探吳中此來凡兩度一一紗壁留精藍山塘四月天

氣好輕衫拂領來晴嵐家家綠陰嚶黃鳥曷不載酒携

雙柑閉門却掃吟獨苦郢雪屬和何人堪平生美好百
不入正坐好古成奇貪知君力欲追正始三唐兩宋須
互參皮毛洗盡血性在願及有志深劇勘拙詩與君不
同調小言未可誇詹詹數篇見賞自京洛君愈降氣余
彌慚匆匆人事促輕別欲去暫止噉清談紅綿花開鷓
鴒叫歸夢定繞枕椰庵

聲山姪自都下歸相見閩門舟次出荊州兄手

札期余北游戲作一詩以答

春水一騎蹴淖沱柳色蘇臺握手過鹵莽不須慚計拙
驅馳真欲悔才多吟紅日晏誰同調變徵聲移急和歌
每遇南轅頻問訊長安米價近如何

敬業堂詩集卷四

三

同祝豹臣及家西毒叔飲輅荒兄齋

高樹柴門景又遷小堂南北綠遮天偶然不速來三客
如此相思閱五年居近入應疑卜晝路難吾轉愛歸田
棟花風急村橋暮欲散閒愁仗酒顛

養蠶行

去年收絲利倍三村中家家貪養蠶蠶多桑少葉騰貴
千錢一筐賣未甘溫風吹蠶蠶易老滿箔三眠上山早
蠶娘一月不梳頭懶惰却輸辛苦好東家採得繭如脂
繅向檐前索索吹西家繭頭薄於紙一樣蠶菜兩樣絲
將絲換錢索官串無者價昂有者賤貧家衣食天所慳
別許居奇營巧宦即今閩海尚興師爭利人人學賈兒

聞道樓船皆市舶買絲豈必盡虫

變無秋行

三春雨多二變荒，鬱卷盡萎田中央。大變莖長穗未起，
小變莖短葉早黃。椽花風過，縲車傍憶得年時。變上塲，
塲乾日烈，聲拍拍打，變作糜湯餅香。腰鎌往刈，纔盈尺，
雉尾離離，藏不得。驚人角角渡水鳴，別向原頭草間活。
可憐鴉鵲不知時，群下荒疇覓餘粒。我為老農語鴉鵲，
明年好收從爾食。明年好收理則那，只愁無種將奈何。
西園書屋順治丙戌燬於火，瓦礫之塲長養茨，
棘垂四十年。比方有事於墾闢，既惜地方，且以
習僮僕之勤焉。用東坡七首韻與潤木同作。

敬業堂詩集卷四

古

池亭剩曩甚，長養藜與蒿。中更四十載，未盡祿刺勞。貧
家供賦斂，尺寸無所逃。焉能守石田，鬱鬱希陰膏。益利
興由人棄，捐成不毛。旬來拾瓦礫，積比頽垣高。

赤日薰我頰，白汗沾我背。鉏荒如去病，快得三年艾。伊
昔締構初，春秋想高會。滄桑變時局，草土少完塊。誰歌
蟋蟀詩，蹶蹶職思外。南山方朝濟，厥象占蔚蒼。百年雖
莫保，三徑幸猶在。給口茶蓼閒，其甘等炙膾。

生涯失習勞，貴賤誰比數。優游不堪事，尚記前賢語。主
人既率先，僮僕趾齊舉。給餐稱勤惰，功力積毫縷。種豆
畦橫從，種瓜架支拄。所憂歲將早，六月竟無雨。滄畝一
歉收，何由載筐筥。力惡不出身，貨惡不出土。尚恐機事

牽高人未全許

陶家有田園三徑忍就荒籬落缺粗補東西互相望叢
牙覆塊生一片蒼雲蒼地力久不効新萌必繁昌未飽
啄粟鴛先防踏蔬羊望腹聊忍饑先疇胡敢忘

土性既有宜人情亦有適養材待椅桐孰若樹榛栗移
根尋丈內本向鄰家乞落實庶可期拙謀作乃逸舉羸
力不逮何敢議築室灌園豈無人戢影勿輕出此中足
生事吾計今已必

惡木次第除丁丁響斤斲析薪析克荷生子願愚慙我
貧天所憐田舍免風電

用北史王蒙傳事

隨兪課晨夕老圃庶

敬業堂詩集卷四

五

犖勿言世業盡五畝澤已渥兄弟且同居相容在蝸角

用庾信小園賦中語

仲子性好遊旅食辭南村叔子嬾甘寢鼻息鳴西垣我
介兩者間竒士羞王孫有時事游惰挾瑟隨雍門有時
賦歸來及見松菊存行者咏陟岡居者勸加殮營身各
有役出處且勿論若較杜樊川季強慚令昆

杜牧望故園賦云昆

令季強今鄉黨附

題朱子蓉六丈所藏張穆畫馬用黃山谷韻

綠楊風起驕不行低頭嚼環如有聲乾坤一線塵縱橫
肉中帶骨筆力透不比東郊詩咏瘦苦憶尋常棧間豆
青絲漫絡高家驄龍眠妙手亦老翁誰能更貌桃花紅

送唐殿宣之浦江學博任

琴書壓擔曉風清別路山行復澗行青髻功名秦博士
白頭經義魯諸生月泉詩好篇篇秀寶掌峰竒面面晴
勿對空裀嗟首藉如今驥足是初程

同韜荒兄飲鄭春薦齋

雲巖醉別忽經春重向吳山問主人陶侃登堂還拜母
茅容爲具也留賓迴風却扇渾無暑急雨催詩若有神
鸚鵡莫誇才子賦鄭家名擅鸚鵡新坐側有鸚鵡故戲及之

七夕同鶴江孝績序仔集淮江聽鶯齋

紅蓼蒼葭水一方到門松桂已迎涼燈前岐路天南北

時鶴江初從山右歸孝績又將遊江右

屋角雙星夜短長雅集幾回逢好

敬業堂詩集卷四

六

友離悰多半話他鄉當筵有客傷存歿不忍臨風發酒

狂

思右朝也

次谷兄自粵西扶先伯父櫬歸里二首

萬里行何畏歸來始泣然亂離成子孝危苦得天憐
淚盡干戈外魂驚瘴癘邊路難經死地初不計生還

自古蒼梧道征人半舁棺撞犛啼赤子父老贈清官
竟返天南魄翻疑夢裏看附書吾久望執手雜悲驪

彭南陔長沙寄書知其長郎越干已於去冬物

故一詩當哭兼以相慰

鵬賦長沙痛未窮短書緘泪寄西風隔年別酒征衣爛
幾日歸帆旅櫬同善病我曾憐久客未亡人又累喪翁

畏途盡室成何事頭白君應悔斷蓬

雨中過董靜思山居

十里沿洄暮靄昏
熟衣天氣半清溫
菰蒲響雨烟沈浦
蘆荻迴船水到門
躍網忽驚魚尾健
墜簷初見橘頭繁
好山偏阻登高屐
笑指郎家半日村

題陳允文圮橋授書圖小影

戰鬪功輸運籌亞
英雄勇退神仙舍
誰招四皓出商山
我信留侯本儒者
竒謨秘策乃天授
老父一編事聊假
不然韜畧世所知
豈必傳從圮橋下
陳生爾意非好竒
那將此景供圖寫
志大何妨學賢聖
時清未許談王霸
披圖商畧意何如
傳習師門計有餘

余與允文俱出姚江先生之門眼

敬業堂詩集卷四

七

前經術皆經濟莫問人間未見書

同人中秋集陳寄齋宅

南游我昨逢佳節
兩度中秋瘴如墨
去年對酒洞庭湖
萬頃平波鋪練雪
電光一瞬等閒過
倏忽還家又今夕
良朋折柬邀共醉
憐我匆匆復行色
晚來微雨過城西
影落人衣月東出
明河一洗秋容淨
海氣天光較然劃
街頭無人市聲斂
相國門前月尤白
門前看月堂上歌
白月紅燈互相射
繡屏屈膝圍嬌面
赴節紅牙夜深拍
沈沈簫管索索絲
微動梁塵隨猶澁
清商一線徐引去
桂樹流颺葉初脫
此時中庭月停午
窈窕穿簾巧相覓
須臾腰鼓忽勾闌
假面西涼群嘖嘖
歡場冷落年數久

對此翻令感蕭瑟却憶江湖載酒時蘆花深岸聞吹笛
故人顏色就歸夢羽短途長莽飛越此來會合殆天幸
竿木逢塲看跳擲徵歌自笑膽氣粗起舞偏驚耳輪熱
東南盤敦君眼見供帳如雲掃無迹獨留好景付我曹
莫向瑤臺話塵陌只愁客散月易斜人事蒼茫難料得
來年作客知何地此地來年召何客南枝棲鵲催五更
東野寒蛩號四壁殷勤酌月還一杯珍重清光照離別

過曹希文齋

恠底移家忽入城小堂幽事頗關情琴牀近海潮添潤
茶榻分泉火就烹摩詰園亭依畫橐建安人物入詩評
也知習嬾便支戶不廢堦除有送迎

敬業堂詩集卷四

六

有感戲寄韜菴兄

格新曾被老元偷此外何堪說唱訓但到西園應秉燭
不逢東野肯低頭故交牛耳成孤憤棄婦蛾眉托四愁
拍一博得美人開口笑暫時跛足也風流兄以酒後傷
足故戲及之
去夏余自黔東下與德尹相左於辰沅道中今

德尹嶺外將歸余又有西江之役二詩留寄

薄遊踪跡久沈吟準擬歸飛息故林別去無端隨末俗
窮來何事愜初心書籤日過塵窺隙茶竈風迴響和琴
一笑飄然仍作客竹窻閒殺是清陰

二頃田知戀洛陽眼中岐路等亡羊江風海雨愁頻結
桂樹荆花感又長草草歸程雙爪跡勞勞別夢五星霜

惟來出入如相避鄉國何時鷹作行

留別朱日觀祝豹臣朱與三陳寄齋王南屏家
西崑叔韜荒兄眷山姪二首

綠髻西風幾遍吹許巢貧過少年時

用方干詩中語

好官氣色

車裘壯獨客心情故舊疑近月江雲偏綯采未霜淮柳
尚搖絲名場此日誰高步消得樊川贈別詩

渭城歌酒罥纏綿存歿關心一黯然落日故人長笛賦

右朝歿已一年

曉星同調斷鴻天夢回露白移橙候路入秋紅

剝棗邊任是登高何地好青帘那不憶羊川

西江集

起癸亥十月止甲子三月

萬里歸來繼逢儉歲家憲副伯方攝西江臬篆邀

敬業堂詩集卷四

九

余入署自冬涉春周旋六閱月為治遊學之裝到
家五日北行不欲浮沈鄉曲傷長者之惠也

將有南昌之行示兒建

我年二十九足不出鄉閭南舟阻錢塘北轅限姑胥循
循守矩矱尺寸敢少渝汝祖見背日戊午暮春初銜恤
在終天有生不如無實擬奉成訓終身依墓廬黽勉同
汝叔食蒿甘薺如此意難自保饑寒旋相驅初心忽中
變末俗誰諒余麻鞋走從軍凶服尚未除自傷越禮教
臨去還躊躇汝時年十二戀戀來牽袂汝母病在牀強
起縫衣襦為我擇吉日勸我姑徐徐山林忍窮餓此事
古有諸奈何逐浪遊浪游計終迂我雖口不答含意鬱

未攄恐喪丈夫勇一笑起跨驢寇盜滿西南殺人棄土
首書生爾何恃急往不暫須輕命踏危疆鹵莽拚羈孤
雖無司馬才宵戀終軍繻迥避關西公憐才等璠璵留
我置幕府開誠使懷杼初來荊州城漸入西南隅蹉跎
戰爭地四載過隙駒憶自前年冬洞庭上雙魚吾叔又
捐館訃音傳豈虛蠻燈黯淡花相對慘不舒天低嘯哀
猿月黑號訓狐開書忍再讀百感併集枯上念兩先靈
窀穸未歸居下念汝曹長失學猶從渠告歸策始決寧
獨懷樵漁中丞知我真贈言借吹噓坐覺瘴癘掃清風
拂長途檢點篋中裝百金頗有餘束書戒行李觸熱我
僕痛故人灑陽守開館留籃輿不惜分俸錢寄歸慰妻

敬業堂詩集卷四

三

孥命窮氣方傲却去同揮鋤行行百餘日始得還菰蘆
夜半叩柴扉犬吠雞群呼門前五株樹綠槐間黃榆亂
葉落我前忽驚秋又徂入門拜靈几血淚交模糊舉頭
汝在旁依稀記形模汝弟急欲見喚起髮未梳見爺不
識面反走牽娘裾對之重泗涕存沒傷心俱別離經喪
亂泛若浮海鳧得歸特天憐未歸敢自圖稍欣世業在
斷蓬復依株繞屋十畝園桑下可種蔬即此勤學圃貧
士有故吾都緣懶惰久力不任菑畚室人免交適官稅
多積逋倦羽又辭巢飄飄儻洪都仲氏久去家南北音
塵疎季子資性矯青擅誤爲儒齷齪小兒曹欸段下澤
車蟲蝦恣跳躍蝸涎活停瀦翻咲尺水艱蛟龍困泥塗

男兒誇富有豈在堆倉庾願汝勤孝弟餘事到讀書孝
弟乃本根根完花葉敷章句粗能通已勝耕田夫煌煌
京兆後子孫雜賢愚五世澤未斬有生夫豈徒不聞王
僧虔鳳凰綴蠟珠崢嶸覘頭角少小志本殊十五號成
童何況十六與當時同隊者轉眼分龍豬脊母學汝父
風塵厭微軀厲人恐似已取火夜看雛悔心用自警作
詩焉敢誣

輓呂晚村徵君

屠龍餘技到雕蟲賣藝文成事事工晚就人誰推入室
蚤喪君自合稱翁才今漸少衣冠外名果難逃出處中
身後有書休論價也應少作愧楊雄

敬業堂詩集卷四

五

黃晦木先生從魏青城憲副乞買山資將卜居
河渚有詩十章志喜邀余同作欣然次韻亦如
先生之數

黃竹先生今夏黃自離商嶽走踉蹌青錢易長苔莓路
畫藁頻移薜荔牆未就丹砂顏屢換欲尋白社願難償
身經開寶流離後那問西川舊草堂

覆巢事過儼他生回首風波噩夢驚碩果兩朝誰鬥健
白頭一意自孤行縱橫鈎黨清流禍峭藉風期月旦評
幾爲借柯憐病鶴羽毛如雪照人明

力圃雖艱勝力耘多時吟嶠望停雲未完婚嫁何多累
投老關河正失群菜把恩羞叨地主薦章名幸脫徵君

故人高義傾頽俗薄俸能爲卜築分

方丈蓬萊事不經收心風物到園亭紅蕖艷後蟬遺蛻
黃菊開時鴈拂翎感遇詩還工屬對垂簾卜屢驗竒零
少微越國眞高士移向吳天只一星

松木場遙路向西人言罨畫似西溪雨中綠樹雞豚柵
霜後黃雲秔秫畦琴筑鏗鏘聲落澗風花高下踏成蹊
憑君指點神先王可待游人爲品題

數折溪橋兩版門也須插槿植籬樊閒携翠竹紅藤杖
晴晒牛衣犢鼻禪耕讀新功兒解課漁樵故事客能援
名香老研隨身具目擊誰知道亦存

樂事從來出苦辛錯將勞尾比枯鱗眼空身世殘碁劫

敬業堂詩集卷四

三

日漏軒牕過隙塵方外衣冠驚俗客夢中墳墓抵歸人
碧幢紅堵村村徧宥咲繁華不稱貧

釣臺何必盡桐江林下人來拜老龐隱几湖山歸四壁
捲簾風雨到西牕花源舊隱今何代白鶴新居即此邦
已約隣翁勤斲竹與排蟹榘打魚樵

一痕龜墨食江郊從此深居遠市朝椰子冠從方士借
筍皮鞵赴老僧招定巢屋角晨依鵲挾彈林端夜逐鶉
馬跡車輪何處覓道仙名籍在丹霄

槃澗時清且寤歌欠伸光景底消磨年豐米穀登場賤
水濶魚蝦漏網多勿藥肯教眠食減不祥端賴鬼神呵
鷄豚預有登堂約慰我歸來興若何

武林哭萬充宗二首

武功十葉變儒風理學君家創甬東

謂尊甫履安先生

勳爵初

除緣國破饑寒不出勝途窮傳家同異叅三禮

君所著有學禮

質疑絕筆春秋闢兩公

近註春秋惟定哀未就耳

四十九年君勿負蓋

棺餘恨未成翁

忘年交誼許忘形君自殷殷見古情看竹欵門纔一宿

去秋余自黔歸充宗同主一敬之見過一宿而別

篝燈襪被每孤城

充宗下榻海昌每入

城未嘗不

無端汨落期難續

前一日人遠書來有與如充宗揮泪而別之語

此人亡夢亦驚回首師門誰領袖慈湖風月可憐生

宿黎洲夫子武林寓舍即次先生丙辰九日同

遊舊韵二首

敬業堂詩集卷四

三

湖山憔悴哭新阡

謂萬充宗

何意蕭齋榻許連燈火夜長楓

葉雨杖藜秋老菊花天孤踪汗漫三年外萬事荒唐一

笑前話到昆明殘劫罷又緣久別却凄然

徑路先須辨陌阡眼中榛莽正鈞連肯携芸蠹隨書局

任放醯鷄覆甕天出處心情三聘後滄桑人物兩朝前

先生高臥貧何礙流俗知音恐未然

富春道中

烏柏林中霜撒華千樹萬樹圍村家門前紅葉掃還落

白子著枝如白花寒雅成群啄不盡幾處飛出聲啞啞

荒灣敗葦江忽轉鴈陣欲落整復斜青山正缺天一面

澹入無迹雲拖沙十年夢想富春渚指點圖畫空嗟呀

豈知去家纔百里足所未到如天涯人情貴遠每忽近
往往耳目遺煙霞他年卜居恐未穩此際覓句差堪誇
江山秀絕客懷俗母使擾擾同魚蝦

雨過桐廬

江勢西來灣復灣乍驚風物異鄉關百家小聚還成縣
三面無城却倚山帆影依依楓葉外灘聲汨汨碓牀間
雨篔簹笠嚴陵近慚媿清流照客顏

睦州

過城灘更急直下滙分流樹色銜雙塢山形豁一州炭
烟濃傍塢樵逕細通舟風日晴尤好初冬似晚秋

泊茶園

敬業堂詩集卷四

五

危樓高百尺水落岸如山村市尚開店檣燈別占灣喜
無塵點髻那用酒熏顏漁笛能相就飄飄壓浪還

淳安謁海忠介祠

桐鄉遺愛在民自不忘公一邑清名著三朝直節同衣
冠瞻古貌俎豆感村翁此日流離意誰憐在野鴻

青溪口號八首

裊裊荇帶風疎疎浪花雨吳客過淳安遙人少鄉語
隔水聞語聲空中應來自行到響山潭人人發清嘯
溪女不畫眉愛聽畫眉鳥夾岸一聲啼曉山青未了
來舩桅竿高去舩櫓聲好上水厭灘多下水惜灘少
家住溪東西共飲門前水對面不聞聲長灘響十里

里十

長灘在界
口司上

漁家小。女見郎嬌不避日。莫並舟歸鷓鴣方晒翅。
橋壞窄繫繩水淺牛可跨。牛背渡溪人須看綠如畫。
屯溪船上客前度去裝茶。娶得東村婦經年一到家。

威平鎮舊名青溪洞韓蘄王擒方臘處

舊日青溪洞英雄一戰歸。江關留故壘草木震餘威。路
僻烽烟靜時平盜賊稀。悲笳吹薄莫峭鋒冷斜暉。

入歙州界

青山寒更高白日冬易暮。蓬腳影初斜濛濛入烟霧。

鮎魚口中流一山俗名小普陀絕頂佛閣頗盡

結攬之勝

敬業堂詩集卷四

三五

神山海外絕經過此地名傳小普陀兩岸樓臺疑蜃氣
中流日月隘驚波桑田有劫終成幻松頂盤空老作窩
我是游人憐偶到鐘聲回首夕陽多

從屯溪坐竹筏至休寧縣

江路西來盡輕裝稱竹舩人家新屋宇村落好山川沙
壩魚跳岸蘆荒鴈下田怕談兵火事猶記八年前

遊休寧城南落石臺

一片蒼雲護無端隨碧空離奇存石性刻畫憎人功

巖間

刻石多
俚鄙語

只有朝陽到偏宜曲水通峭寒難久住酒醒忽

西風

過齊雲山麓

亂峰尊白嶽一水接青溪雲自香爐出天盤石磴低勝
游憑指顧倦路失攀躋游子匆匆意征途只向西

晚至漁亭

小步聞名好到來頗覺煩鈴聲驢背米簾戶水窮村旅
食豐年便方言晚市喧黃茅山百折此路指祁門

祁門

二水走江湖下流極瀾翻濫觴不盈尺小縣同發源一
支下錢唐余家東海疊直從朝宗處溯回到山根西流
入鄱陽鯨口豁然吞飄飄孤帆色帶雨辭烟屯水流自
相背客意難並論五丁誰能駢頑石劃輿坤鏟除恐不
勝徒費斧鑿痕浩浩江湖流一道疾於奔關梁近增稅

敬業堂詩集卷四

庚

亦如石塞津寧觸石磯怒莫逢關吏嗔君看商賈路辛
苦趨祁門

發猴潭出倒湖

石惡狀爭變波喧勢就低小舟輕畏路百折下危溪雪
意雅先覺寒光霧易迷似聞魚米賤已過浙江西

浮梁縣

苦霧吞江去茫茫出遠津長程催短晷白骨散青燐城
小初經亂民愚久疾貧琵琶臨老妓容易嫁商人

景德鎮觀御窑瓷器歌

浮梁縣西開畫棟御廠燒瓷供輦送江天漠漠生黑雲
百竈烟浮日光動初看兩眼炫青紅夜入孤舟夢龍鳳

文成璀璨羽毛活勢健開張牙爪弄畫彩新添寶石砢
異光欲走黃金汞頗聞中使出二年十斛缸成選難中
至尊服御崇節儉珍錯屢却毀方貢即看嗜好非異物
器象雖精本日用同時玉瓚注黃流古玩金魚配清供
君不見宣成嘉萬舊官窯散落民間價自高博古圖成
曾進 御猶容欵識倣前朝

登饒州鄱陽樓八韻

東北山根削西南地軸摧豫章帆不斷彭蠡鴈初迴再
見孤城闢翻憐往日災江湖銷戰伐荆棘妬亭臺旅望
天邊豁雄心亂後灰殺霜冬旭暖釀雪曉雲開欲去猶
延竚無聊柰獨來未除豪氣盡飄蕩媿詩才

敬業堂詩集卷四

三

曉渡鄱陽湖

三更我夢滕王閣東北風高響簷鏗覺來舟子已開篷
澹月微痕天一角須臾湖面過如飛霜氣撲船人攬衣
蒼茫烟霧來時路水底紅輪吐半規也知此景殊不惡
失意翻令感牢落少文四壁有江山何苦年年事飄泊

送又微姪自豫章東歸兼示德尹

垂老雙親驗鬢絲薄游仍欠草堂皆關河最左勞人計
猿鶴能寬閉戶期落拓生涯吾自笑滯留情事爾應知
從教物論分優劣點檢初心也旋疑

錢玉友自嶺南來

萬里歸裝一葉身何緣相見即相親世無元九知音少

客到東方自譽頻
南北弟兄愁急雪
關山踪跡悔勞薪
權輿殂落皆天意

羽獵賦萬物權輿於內殂落於外

眼底休輕我輩人

玉友別後寄詩二首次韻奉答

會合洵有緣
此會乃絕竒
數言甫投分
鼓舞兼箝錘
同調世少入
高論宜卑之
平生喜聞過
指摘真吾師
啟我腹
筇草當君囊
中錐
刺骨實中病
苦口俄含飴
自笑狂奴狂
况抱癡叔癡

來詩內一首示聲山者故及之

全身受針砭
豈獨論文詞
勉強學新粧
未必盛副笄
沈吟攬古鏡
又恐嗤違時

浪游無近遠
同作風塵回
相顧眼雙青
相期心一片
勿嫌去住乖
各要眠食健
布颿冰雪候
風色五更戰
青燈

敬業堂詩集卷四

五

豫章城幾夜
猶夢見書來
深感深愛金石
矢不變
因君激壯志
鍛羽敢辭倦

來書期余同作都門之行

杜肇余侍郎巡海閩粵故人嚴子愿在其幕中
道出南昌詩以贈別

短裘夜犯章江雪
快馬嘶風三十驛
梅花催促使臣鞍
楊柳春旂看一色
平生未識侍郎面
才子翩翩杜陵客
與君昔別年月深
約畧歲書更六七
余行絕徼偶生還
舌在遙人那堪說
半生出處禍亂定
萬事蹉跎謀算拙
喜聞田橫出海島
旋見盧循免羈紲
昔之滄海今桑田
萬戶春耕破甌脫
如君此去真壯遊
幕府從容借籌畫
乾坤昇平我何樂
差勝危彊事行役
敝廬家世東海濱

禁網佃漁寬水國遲爾同歸作飽餐巨魚雪點吳鹽白

時初開海禁

喜陳允文自故鄉至

十日春風釋硯冰客邊詩句擬催徵愛題僧舍紗籠壁
恨事江城雪打燈屢擔書兼行李重飄蓬感為故人增
西山晴色差堪望高閣何因載酒登

題聲山姪仗劍擁書圖

君不聞王喬厭世方盛年飄飄笙鶴緱山巔神仙尚須
致身蚤何況富貴如流泉爾生負竒學書劍三十頭顱
行可見毛錐秃穎刀善藏毋乃多才累窮賤竭來汗漫
事遠游劍首一映徧九州下澤車中羞識面跼蹙豈必

敬業堂詩集卷四

无

皆封侯歸來勸游凡幾日好酒好書兼好色明朝一笑
又出門惘惘都非可憐別時清氣壯驕不得依舊收身
弄文墨有田不耕男已長無米能炊婦非拙何緣此日
遂支扉難免他年聊捉鼻柳條風軟記騎馬木榻香清
夢調瑟余亦東西南北人圖中光景增太息

元宵前一夕家觀察伯署齋小集次允文原韵

以下甲子

又作春燈宴他鄉共此筵盤分柑味美時有以四會柑相餉者月
傍燭花妍故態逢人發新愁被酒捐南州有懸榻我醉
且同眠

與劉北海

君與令季太史俱先大夫門下士故篇中及之

我降庚寅月建午襦祿含飴及見祖升沈未定矩矱移
荏冉今年三十五客塵南北浪奔走家學淵源迷步武
先子音容漸藐茫典型何處追王父小時猶記竊餘論
文集諸劉指堪數翰林風度杳莫即伯仲聲華憶明府
布帆夜下十八灘幾日春風到南浦頗聞人頌神明宰
章貢循聲比卓魯劉時宰
贛縣一城烟樹起樓臺千里關河
靜鞞鼓官閒往往飛見出緱嶺軒軒見霞舉此時我作
豫章遊却恠知名緣獨沮即論世講屬前輩小子投謁
固其所懷中一刺署姓名雙屐逡巡阻春雨先生忘年
復忘分先枉高軒訪羈旅下車相揖亦有人此事今亡
乃聞古修名不立行可媿半臂重交義奚取謂余當有

敬業堂詩集卷四

三

祖父風不料頭顱尚如許長身三世求形似母乃濂戚
嗟仰俯入門一笑想欲狂狂注目含情兩無語

章江舟次送李斯年赴湖南幕府二首

同學紛紛起布衣文章聲價剩珠璣怪來五十高常侍
猶自隨人側翅飛

瀟湘歸櫂我匆匆重到如君又不同若對亂前談亂後
不知誰識李元忠

楚黃陶忠毅公以世胄協守寧前衛癸未城陷
公殉節焉事具合肥宗伯行略其篆子上辛出
公畫像索題用舊韵

已陷金城破玉門瓜沙河渭總啼痕捐軀幾輩曾當局

抵掌何人不大言五代鐵鎗傳畫像百年江月酌清尊
李家降表尋常事話到書生惱夢魂

黃泥山村看桃同錢道耕倪上韓家兄子敬南
城友日姪聲山

春洲雲煖烟濛濛天勢四垂濃靄中一望千檣萬檣外
綠楊芳草交青葱沿洄曲岸行數里小艇閣沙水忽窮
捨舟聯袂赴村落勝境引入桃花叢迷離景光耀平野
爛熳高燄燒晴空穠華似慳微雨著繁蕊欲拆朝陽烘
居民補綴好圖書茅籬竹家家同沙灣汀溼限南北
徑路曲折迷西東老人衣冠稱古貌往往負戴隨兒童
隔花姪姪自呼伴笑語已斷迎迴風牛羊未歸隘巷靜
雞犬亂走柴門通武陵光景在人世但患放棹無漁翁
兩頭絃管百壺酒醉夢一醒風塵胸江村草堂我亦有
頗笑此景他鄉逢韶華經眼况偶到有意留戀終匆匆
章江夕陽催晚渡水面回看紅雲紅

新柳詞和允文二首

輕烟和雨着梢頭萬縷千條作態柔落得游人春興懶
遠遮鄉路近遮樓

桃花輕浪過花朝溪女提魚渡板橋一種紅腮多貫柳
阿誰先挽最長條

次韵酬別聲山姪

讀書恨不搜大酉結客每慚稱小友命窮共落磨蝎宮

木偶尋常嘲土偶，身輕勸翼尚江湖。力困常鱗等淵叟，
蚤知去住兩牢落。曷不杜門乃奔走，章江二月春風顛。
橫管孤吹折楊柳，愁來襍被思。決去貧戀家居恐，難久
青燈聽雨且鳴雞。白眼看雲又蒼狗，醉眠夜夜長加股。
欲出朝朝還被肘，行裝偶到急雪前。歸棹纔移禁烟後，
有生光景爾許過。懷抱逢人詎堪剖，酒尊一澆壘塊空。
如剖魚鱉去乙丑，山妻不須視儀舌。俗子合訝哆行口，
子今高堂况白髮。好去稱觴酌大斗，天倫樂事古所難。
鬱鬱猶能居此否。

疊前韻訓別友日兄

弟生庚寅兄乙酉，五歲肩隨稱棣友。兒時嬉戲失同群，

敬業堂詩集卷四

三

稍長衣冠就參偶，雞豚近局接南北。烟火深村望林藪，
余游故知生理拙。君亦何爲轉蓬走，夜雨燈挑江上花。
春風夢繞門前柳，男兒有懷莽未遂。偻指半生時已久，
未能扣角事騎牛。抑且埋名作屠狗，不爾合甘原憲分。
鶉結從渠見襟肘，誰令志氣自摧頽。漫著征衣隨短後，
君平季主世少人。眼底升沈向誰剖，頭盤叫噪抒狂憤。
笑聽更籌移子丑，忽然顧影還自憐。氣塞神傷箝在口，
豈應美好長貧賤。定有光芒射牛斗，勸君自信當益堅。
適野不須謀可否。

三疊前韻留別恭庵兄

黃雞白日移卯酉，失學無端負師友。名微自甘時所棄，

命隻敢嗟吾不偶

出李廣傳注

惟兄諒我謂我真野鳥心終

戀郊藪君家如圃大可憶
磬石開池煩下走
搗來搔首動鄉思想像
春天好花柳阿翁官高
諸子秀世業平泉必長
久余也先疇漸拋棄
熊虎何當子命狗從教
久瘦帶寬圍遑問長貧
衣露肘低顏分出古人
下尚冀鞭羊視其後愛
君玉樹臨風前老蚌明
珠一雙剖杜陵兩男
養無益少長何堪集
癸丑八百桑株十具牛
經營無物貽黃口願君
綠衣侍歸駕莫謾折腰
爲五斗某丘某水記釣
遊許我題詩草堂否

四疊前韵訓別允文

與君訂交從已西鄉社無多推益友文瀾一篇論警策

敬業堂詩集卷四

三

詩格千言誇對偶白省三馬人所畏

北史馬子廉兄弟三人皆能文時有

三馬皆白省之譽

昆友聯翩出才藪余時懷槩初出遊未免籍

湜汗且走蘭茗翡翠爭秀句何異飄風嫋垂柳登塲鹵
莽拙用長堅壁逡巡困持久契舟已往莫求劍畫虎雖
成終類狗君今落筆更老成歛手薑芽看運肘但思上
第謝眼前肯顧虛名計身後精金百鍊行自惜璞玉一
圭猶待剖丁年行笈記癸辛甲族科名豔丁丑謂允文從祖素菴相
未能飽飯便汝腹也學饑驅餬我口客中告別別
倍難濁酒直須傾一斗暫留幾日辦歸裝長說倦遊今
果否

同聲山姪過羅飯牛禮洲草堂別後賦寄用昌

黎寄盧全韵

先生老向塵埃裏有志竟成高蹈矣衣冠已與世人同
猶自芒鞋高屐齒竹溪

羅舊居地名

茶園寬十畝春雨分膏

給妻子清風七椀生冠石

寧都冠石茶出飯牛手製者品在顧渚上絕跡杜

門凡二紀買山定有賣山人窮乃辭鄉奚足恥舊莊唱

和傳裴迪亂國流離傷董祀巢由逃世事果難身未出

山名滿耳一聲長嘯落天半散作雲烟隨處士都無猿

鶴愧林巒絕少鷄豚餽鄰里獨携筆墨與人際堅臥有

時呼不起南州懸榻尋常下小技似可供驅使彼皆金

夫勢力求未許感恩况知已豈惟落筆不輕易立品潔

身從此始淨明菴主石田翁前輩風期看未已半生衣

敬業堂詩集卷四

十四

食天故吝稍稍芻薪給驟駢硯田一片歲有秋食力聊
用代耘耔先生猶云吾負疚懶惰無端釋良耜故人往
赴河陽幕本不希心榮膺仕先生療貧策又竒獨往孤
行竟誰恃禮洲草堂地清絕見說賃春連圯址易堂人
物近無多把臂此來君準擬萍踪怪底成相左雨雪殘
冬悵無似朝朝江口望歸帆百日奚童鬻生趾春深沙
渚停烟榜有客忽傳君至止廿年馳想結深企欲致高
人我何以急呼阿咸山聲徑造門渴馬奔泉勢難俟先生
應門無五尺反鎖柴荆入村市歸來蕭寺忽相逢一臂
初交乃狂喜招呼雙屐過江閣草草杯盤有眞理乞君
畫稿幸不辭謂我頗可尋涯俟斯人不因筆墨重獨行

自足傳野史即從畫品論高下清矯寧讓營丘李我詩
不工何足酬別後空慚寄雙鯉

芙蓉庵水亭

徑轉春陰午未移小亭如蓋俯漣漪柳邊風到鱗鱗活
鏡裏欄開面面宜欲去興狂呼酒伴重來緣淺看花時
此間著我真塵俗何用多留亦壁詩

清明風雨舟發南昌允文聲山追送於江干更

以數言留別

竹鷄啼苦催清明滕王閣前春水生西山高入雲霧裏
雨勢下壓洪州城桃花杏花半狼籍岸柳自拂孤舟輕
連朝有約同買棹二子未果余徑行雲山欣欣赴歸路

敬業堂詩集卷四

五

烟樹漠漠愁離程布帆風急不肯住到家正及聽新鶯

康郎山功臣廟十四韻

疇昔驅除會英雄想像間驛移青雀舫酒灑白茅灣鷹
隼搏空擊鯨鯢授首還波濤經虎尾矢石避龍顏一戰
西南定群公策力閒死方開國運生不點朝班紀信無
遺恨曹成本世官顯榮衰後裔茅土愴重頒奕葉將軍
樹廟前古槐相傳明太祖破偽漢時封為將軍中流砥柱山炎風焚鐵券石
馬嚼金環黃屋今無跡朱旗閃尚殷太平何事業要害
此江關廟貌瞻嚴肅時情易險艱興亡他日事清泪獨
潺潺

餘干道中

新烟幾點散晴霞
遠岸殘桃晒網家
莎草一汀長帶鷺
湖田二月已鳴蛙
葱蔥曉日銜山秀
裊裊春風赴柳斜
自咲薄遊緣底事
漲痕空記去年沙

昌江竹枝詞八首

浮梁縣西山漸平
浮梁縣東水更清
濛濛天氣長如雨
臥聽前灣水碓聲

蘘石硨磲轉轉轆
轤春砂淘硃有精粗
年來御厰添窰戶
不種山田另起租

樓欄葉瘦芭蕉肥
菜花半開桃李稀
背山園圃蜜蜂出
近水人家燕子飛

穀雨前頭茶事新
提筐少女摘來勻
長成嫁作隣家婦

敬業堂詩集卷四

美

勝似風波盪槩人

船頭船尾不多高
盡日爭先走怒濤
博得夜來春睡熟
一篷烟雨半枝篙

小兒灘頭水沒磯
幾點雨著行人衣
草煙迎岸翠撲撲
牧笛未歸鵝鴨歸

一繩飛界兩山頭
積石排樁抵截流
驚起野鷗鷄箇個
五更風浪網初收

村殺山家唱四時
本鄉歌好少人知
愛他曲水如巴字
別與新詞譜竹枝

齊雲山六絕句

仄徑丹梯萬仞懸
石楠擁蓋不知年
不因鐵笛吹山裂

那得游人到洞天

右天門

雨織龍梭香作涎
四時不斷吐飛泉
藕絲簾子玲瓏影
捲起晴雲別有天

右水簾洞

兩峰獅象對崢嶸
鐘鼓聲中玉座清
夜夜河魁瞻北關
羽衣天半坐吹笙

右真武殿

禹鼎神姦散九州
誰教一柱峙丹丘
白雲已鎖塵寰斷
還有香烟在上頭

右香爐峯

急歸悔不上匡廬
辜負峰南大小孤
恠事此來仍滿願
已看五老又三姑

右五老三姑峯

輕身直上挾天風
雨外天都望或封
安得近南長見日
與排三十六芙蓉

右紫霄崖

敬業堂詩集卷四

三

武林寓樓與德尹夜話

迎面蛛絲落幾番
每從遠信報平安
各驚顏狀他鄉換
一落江湖戢影難
犵鳥蠻花天萬里
朔雲邊雪路千盤
六年踪跡連牀話
大似菟村夢夜闌

立夏前三日集汪寓
昭願學堂兼留別姚天寰
顧九恒沈昭嗣陳廣陵
章豈績馮文子巖定隅

及家德尹時余將入燕二首

一櫂江城又隔年
春雲春樹記尊前
故鄉樂事留高會
獨客關心奈別筵
興罷艷歌重按拍
酒闌孤月正當天
年來事事輸人後
齒序慚居六子先

同會十人
齒在第四

綠酒紅燈促坐深
無多同調况知音
琢磨頗望成全璧

激烈何須到碎琴起舞自憐中夜影急觴難緩此時心
軟塵十丈騎驢去怕被人傳倚樹吟

出莊
于注

西水讌集留別姚夢虹宋受谷張王士張介山
邵翼雲金子由吳震一卓次厚九如

南路風濤北路塵歸艤纔泊復征輪
三秋斷梗如遊跡一座清風抵故人
壁壘降旗文戰罷乾坤攬轡客懷新
天涯珍重臨岐意只有貧交不諱貧

敬業堂詩集卷四

敬業堂詩集卷四

三

敬業堂詩集卷五

海寧 查慎行 悔餘

踰淮集

起甲子四月盡一年

甲子夏遊學京師始渡淮而北客有賦涉淮以壯
余行色者敬謝之曰君不聞橘踰淮且化爲枳乎
余方虞余之失其橘性而與枳爲類也

歸自江右隨有燕山之行示別家人

南北勞勞但可嗤流光瞥過少年時祇緣累世留門戶
那得此生無別離斗酒且禁連夕醉長箋難和送春詞
勿論向後愁深淺已覺燈前鬢有絲

錫山舟次遇外舅陸射山先生自淮南歸

敬業堂詩集卷五

落帆當淑浦曲岸轉拏音已感骨肉語兼傷去住心斷
雲晴出岫老鶴暮歸林莫作俱飄泊翁今白髮深

過二瞻兄維揚寓齋兄有贈行詩次韻酬別

征衫初換且停橈一日江程兩信潮欲去郵亭塵滾滾
乍來岐路馬蕭蕭詩文價定人爭購書畫舩輕客待邀
劈紙風流看好在綠楊回首記紅橋

雨發宿遷

苦被林鳩喚雨多北風獵獵渡黃河不辭滑路衝泥去
且免驚沙刮面過一騎鱗魚仍入貢十年瓠子尚聞歌
饑荒接壤人方說愁見城南豕涉波

鄭城道中

蹇驢三四驛平野入飛沙白日孤城閉清沂一道斜井
疆鄉子國風物魯人家漸與淮南異村村枳棘花

沂州送錢玉友往新城

又作殊方別春衫客泪收但須眠食健莫話短長愁鄉
夢經蠶月人情望麥秋黃雲天四合何處辨青州

伴城旅店次徐子大壁間韻

淺草平陂極望通客程漸入亂山中坐消髀肉全無爲
貧檢詩囊幸未空沙磧涼生蕎麥雨茅檐香過棗花風
却愁長日行難到又指斜陽一抹紅

齊河

關城餘霸氣雞犬入齊風山豁平沙外天低小縣東魚

敬業堂詩集卷五

二

鹽知俗古豚酒祝年豐別有雄繁意休誇管晏功

晚抵晏城次壁間韻

目力窮邊酒旆生孰梅天愛偶然晴高樓吹角風無賴
壞壁留詩客有情紅日忽沈烟起處白楊長遞雨來聲
萬山回首如屏障一片平蕪接晏城

渡蘆溝橋

草草漁梁枕水邊石湖詩裏想當年誰教甃石通南北
鐵軸銀蹄一例穿

金史章宗明昌元年始建蘆溝石橋

京師中元詞二首

萬柄紅燈裹綠紗亭亭輕蓋受風斜滿城荷葉高錢價
不數中原洗手花

銅盤小拍坐張燈
手指城東滿月升
從此夜遊涼似水
漸無人賣擔頭水

憫農詩和朱恒齋比部

幽風本王業稼穡知艱難
立政務明農化理自古然
我從田間來疾苦粗能言
請陳東南事約略得其端
初冬下菽麥深溝及春前
根株載培護益使土力堅
麥黃未及秋晚蠶又催眠
祈晴三四月雨水翻連綿
針水分稻秧襍種行耨田
時方仰膏雨杲杲恒當天
炎威一熏灼泥淖同熬煎
委身沸湯中辛苦少所便
好風槐柳下欲往不暫閒
老穉亦靡寧桔槔遠吸川
或防霧損花又恐蟲傷根
半年壠畝畔力竭心亦殫
如此冀西成食報理

敬業堂詩集卷五

三

或存但令畝一鍾歲事幸告竣
私租入富室公稅輸縣官
所餘尚無幾未足償勤拳
况逢水旱加徃徃多顛連
逃亡等無地芻牧肯見憐
高位有仁人垂聽宜惻焉
所以古大臣農事恒惓惓
流移進圖繪咨傲陳風愆
有時亟施賑詔旨輒擅專
有時撫瘡痍逋賦請悉蠲
不上封禪書不獻羽獵篇
乾坤生生機君相擦微權
一念苟憫卹惠風自遐宣
矧今天子聖綏邦必豐年

將有西山之遊次謝方山員外見貽原韻

勞生莽莽咲塵機
又向燕臺換袂衣
出郭人如秋澹蕩
入山天愛雨霏微
閒拖竹杖尋詩瘦
賤買村醪覓伴稀
贏得謝家新句好
澹忘隨處領清暉

松林寺

含烟含露一梢梢。花果禪扉鎖合牢。野鳥不知園有禁，
隔牆啣出紫蒲桃。

晚抵退谷與大司空朱右君先生露坐啜泉

晚色秋光帶遠垆。眼明初喜見涼螢。泐流噴石潭疑雨，
老樹交陰合有亭。影豈能忘盥漱出山誰復辨清冷，
閒僧尚記曾來客。一縷茶烟話酒醒。

公不到西山二十八年矣老僧猶能

說舊遊時事

宿隆教寺僧房

最愛塔墀細雨中。瓦盆高下列芳叢。白花紅子皆秋意，
斟酌西窗一夜風。

敬業堂詩集卷五

四

從水盡頭步上五花寺閣

數折溪橋接水源。亂鴉高樹又村前。路危磴阻千重石，
山偏窗開一面天。佛界偶來宜白晝。帝城難辨是蒼烟。
留詩莫作匆匆去。勝境吾將借榻眠。

臥佛寺

古寺無僧佛倚牆。臥聽蝙蝠掠空廊。晚來光景尤蕭瑟，
葉葉西風戰白楊。

金章宗手植松在壽安山西嶺上

壽安山頭一老松。從下仰視青童。羽衣仙人擁蓋立，
柄短却作偃僂容。我思躡屩苦無伴。范老性華興到許，
我從婆娑初自枝。亞入中乃可置一畝宮。四傍四枝分

四面側理橫出交蓬鬆。東西南北不相顧。意到各自成
虬龍。中間大枝裘挈領。高勢一攬收羣雄。其旁峭壁截
牙角。豈下千尺方藏鋒。蒼髯翠尾掉空際。蜿蜒飲澗天
投虹。千山萬山似搖動。鱗甲未斂雲濛濛。須臾夕陽轉
西麓。脇下叟叟生微風。一聲老鶴忽飛出。竿籟散入隣
菴鐘。老僧拍似時代古。手植傳自金章宗。是時朔南罷
兵革。貢使一一舟車通。明昌泰和號極治。擊球詐馬習
俗同。近郊亭館恣遊宴。逐獸不入深榛叢。遺山野史有
深意。國亡事去忍更攻。孤臣飲泣記舊恨。尙畏後世譏
不公。洗粧樓空春月白。射柳圍廢秋花紅。一朝故物獨
留此。鬱鬱幸自蟠蒼穹。爾來四百四十載。坐閱桑海如

敬業堂詩集卷五

五

飄蓬輪困差堪伍。社櫟蕭灑猶足驕。秦封君不見。報國
門前數株樹。托根悔落塵埃中。

碧雲寺後一山皆內監墓域中有豐碑二統刻
魏忠賢里居官爵甚詳守僧云忠賢自爲生壙
本朝初年忠賢名下葬其衣冠於此恨無有力
者培其石也

碧雲臺殿倚雲端。香火幡幢屬內官。一代賢奸青史定
兩朝黨籍白碑殘。松杉暮雨鶡音革。羊馬秋風石骨寒。
却嘆山靈無藉在。猶容厠鬼瘞衣冠。

冒雨至香山晚宿來青軒

曲磴初從鳥道攀。短牆東面抱灣環。九重城闕微茫外

一氣風雲吐納間，暝色浮鐘來別寺。
秋聲分雨過前山，紅塵那許高千尺。
任放層軒擁翠鬟。

同吳六皆陳叔毅湯西厓宿摩訶菴

禪榻吹燈睡不成，棲烏枝上已三更。
紙窗一面朦朧月，只道秋聲是雨聲。

白鸚鵡次魏環極先生原韻

古有雕籠戒，今看負質竒。
縞衣窗外月，白雪隴頭枝。太

潔從人忌，能言被俗疑。
商山留羽翼，皓首托風期。

原詩有秋

陰高漠漠是爾入林期之句，蓋公歸志已決矣。

重陽前六日同翁元音彭椒崑錢王友朱遠度

吳六皆陳允大，叔毅沈客子。湯西崖談未菴家。

敬業堂詩集卷五

六

荊州聲山小集分韻

青袍紅燭影相銜，劈紙心情故不凡。
柿葉庭空聞朔雁，蘆花水淺夢南帆。
探驪有客曾驚座，歸燕無詩亦畏讒。
開口勿輕談世事，尊前除飲便須緘。

過顧培園編修新寓

不遣輕塵點鬢華，斯人直比玉無瑕。
蜘蛛屋角垂垂露，蟋蟀堦除艷艷花。
半枕茶烟清畫閣，一窗香篆煖文紗。
從今唱和貪多暇，底用題詩苦憶家。

九日讌朱大司空花莊次韻

漠漠秋蕪一望開，驚心節物帝城隈。
閒招南國騎驢客，來上西風戲馬臺。
人與黃花同白社，鳥隨紅葉下蒼苔。

六年此度天南北已未在荊州庚申在銅仁辛酉在惆
貴陽壬戌在蕪湖癸亥在西湖
張名園又舉杯

送六皆歸杭並寄章豈續馮文子嚴定隅二首
風急馳鳴沙外村轉蓬何意復歸根多時白髮思遊子
依舊青衫出國門光範三書原失策涓城一曲最銷魂
買田只合山莊住珍重天涯贈別言

黃葉黃花媚晚晴酒旗茅店一程程稍嫌鬢邊沙重
不礙衝寒布被輕夢短賸留他夜話計偕稀上故人名
得歸我亦抽鞭去忍向桑乾聽雁聲

嚴雋菴侍御招同惠研溪吳天章王咸中王孟
穀朱西峻喬無功陳叔毅湯西崖小集即席分

敬業堂詩集卷五

七

賦

相逢塵坱中交臂面不熟雅人著懷抱有如瞳在目侍
御鄉國賢未見意久屬司閹戒勿拒徑造少躑躅一月
三過從看到秋殘菊長安多讌會熱客後先續長揖容
吾曹情深感君獨紅豆致蕭淡河東才屈曲石陽光走
珠漢陽璞藏玉髯陳好儀表大喬絕谿谷小朱及瘦湯
秀發秋眉綠廁我數子間傭保坐擊筑淋漓取盡興豪
爽一破俗逃觴或竟去下榻或信宿戲具雜博籥古音
披簡牘狂言醒不禁好句互傳讀坐令布衣交放誕惟
所欲甘從平原遊不學步兵哭吾生莽無涯疲甕信兩
足玉川洛城居并少數間屋未能逃空虛時復累口腹

所嗟才地劣徑路故窄起諸君湖海士相轆適如輻倘
不鄙迂疎前期幸交勗

與研谿別後疊前韻寄之

我從湯子交耳君名已熟初來長安城欲見塵眯目名
園一杯酒邂逅情未屬

余識研谿於趙
恒夫農部席上

別時蓮蓋紅懷

刺久躑躅忽忽秋向老花期過黃菊晚赴嚴公招名流
趾相續森然授几席後至惟爾獨衆中造膝談稍稍致
欸曲湯言不我欺伊人果如玉似從坡陀遊迤邐入崖
谷松篁幽徑轉照我鬚鬢綠石潤斂雲霞泉清作琴筑
對之浮氣盡亟取藥吾俗曲尺移木床醉留同一宿男
兒屬有才未了三千牘買田歸可種買書行可讀委身
俛仰中初念固不欲况當搖落候有痛忍輕歎涼燈一
穗花夜半開未足浙瀝風洒窗淋浪雨鳴屋明朝門外
路泥淖驢沒腹連鞍共君出寸步苦局越紛紛疾走兒
馬騁車脫輻即此慎所之久要互相勗

敬業堂詩集卷五

八

汪東川宮贊屬題秋林讀書圖時汪給假將歸
似曾依樣買林臯只愛攤書不蓋茅榦老從添鴉點葉
影疎初見鵲成巢好風開卷聲相逼古墨分香手借抄
怪得先生官况懶畫中光景十年拋

送大司寇魏環極先生予告還蔚州二首

曳履星辰二十年尚書襟被故蕭然勇能自斷天難奪
清畏人知世已傳白社竟成娛老地黃金不貯買山錢

閒雲一片秋寥廓何限風光倚杖前

嶽嶽寒松表

御書

寒松堂公臨行時
御書賜額也

新堂歸到好懸

車身名似此真無媿進退何人綽有餘報國文章傳後

起謂無偽
中翰

立朝風骨想當初不因祖帳東門道太息方

煩比二疏

送陸蓬叟之井陘

不道西遊爾許難
万峰高下渡桑乾
亂鴉雪緊荒程暮
叢雁天低斷角寒
燕市莫尋當日伴
并州且作故鄉看
到時尺素煩馳寄
及與梅花報歲闌

叔毅見示初度述懷詩有感而作

與君世好幼同里
其室則邇其人遐
年踰三十未識面

敬業堂詩集卷五

九

各被衣食驅天涯
余顏顛顛變黑瘦
攪鏡未免頰咨嗟

子鬢甦毳長一尺
瀟洒亦復沾塵沙
燕山此來忽交臂

相視莫逆心靡他
衝風冒雨屢相過
朗吟狂咲聲謹譁

行時肩從坐齒序
愛比兄弟豈有加
一朝顧我歛不樂

刺眼怕看重陽花

叔毅生辰在
九月九日

新詩一篇把似我音調

縈裂如秋笳對之思苦難卒讀
冰雪入口冷戰牙看君

烟烟具至性母喪未闋衣
仍麻泪痕徃徃在枕席
臯魚

岐路憐京華憶余浪跡走絕徼
未夏四月初辭家先君

下世纔一載面目赧汗逢人遮
平生粗知奉禮教豈敢

自外傷芸瓜至今肝腸抱至痛
視息母乃同豚豶歸田
但祈免溝壑此願易給原非奢
天於我輩胡獨忍故令

具體蒙疵瑕子今襟期頗澹漠西溪片瓦已可賒塵埃
洞瀆一回首便欲策蹇乘柴車幾時真約結隣去對門
老樹枝槎枒

研溪索題紅豆齋詩冊二首

東田西澗勢相參此本如今恰有三一點丹砂非俗物

居然鼎足占江南

吳中紅豆三本一在拂水山莊一在王奉嘗東田一在青溪堂即研溪近

居也

薄遊久欠買山資齋笏初安負一枝但使主人長閉戶
樹名何取號相思

題惠研谿崢嶸集次汪蛟門原韻三首

不成吟上紫薇亭翡翠琉璃并作屏一事比渠差較勝

敬業堂詩集卷五

十

自編佳句付樵青

紕繆論才本不多詩家勁敵許誰過不須綽板尊前度
搖膝聽君喚奈何

硯齋吟吻暖生春推爾堯峰步後塵賴是老元偷格律

知音此外斷無人

每被老元偷格律樂天語也蛟門舉似研谿故借作轉語

燕臺雜興次學正劉雨峯原韻十首

九關王氣鬱千秋如此風光蕩客愁東路雲垂遼海濶
北條山勒太行收天蟠宮闕瞻螭尾地擁塵沙散馬頭
老柳不禁吹笛意夕陽疎影傷高樓

千古荆丹事最奇誰教秦騎竟橫馳漁陽鼓動天方醉
督亢圖窮悔已遲他日酒徒猶擊筑向來博道抵爭碁

無聊尚有酣歌會不似東方但苦饑

北史流傳樂未央上都幾處闢球場幕南地空聞傳箭
花外樓高見洗粧紫色蛙聲雄入族烏衣馬糞关諸王
分明裂帛湖邊月及照三朝舉國狂

十三陵古隔巖關往事低摧父老顏黃鳥哀歌經國恤
紅巾新籍點朝班金戈運啟驅除會玉匣書留想像間
斫却久青人盡識稜恩羊虎尚斑斑

直放江湖日夜東異時黨論比狂風清流禍起名賢盡
甘露謀疎國運終一紙興亡看覆鹿千年灰劫付冥鴻
時子翻幸吾生晚不見郊原戰血紅

班馬文從一代編世家人物數華顛藏書已獻言何諱

敬業堂詩集卷五

十一

焚藁無期客問年莫道汗青從蠹蝕好憑頭白寫蠶眠
諸公衮衮皆才彥珍重須教信史傳

帳殿崔嵬令閭寥凱歌連歲奏鉦鐃雲深雁路朝盤馬
雪點狐裘夜射雕都護王門關不設將軍銅柱界重標
職方別載魚龍國咲指烽烟薄海銷

恩波一夕滿江湖下詔蠲租例久無忽見黥黎成感涕
始知草野愛微軀龍舩旗鼓三江戍馬輶雲霞五岳圖
盡道登封儀注古秦松容易比貞符

朱門祭戟列東華金谷筵開辦咄嗟雪甕分漿啜楮
霜刀剪韭妬萌芽歌喉欲斷從絃續舞袖能長聽客誇
贏得狂生無藉在欲捨書籍問東家

百分一棹過舫何限關河載酒前投筆生涯經絕域
定巢歸計失驚絃縱橫野馬群飛路跋扈風箏一綫天
曾是征南舊賓客摩挲髀肉也泯然

冬日張困雅集同姜西溟彭椒崑顧九恒惠研
谿錢王友魏禹平蔣聿修王孟穀張漢瞻汪寓
昭陳叔毅湯西厓馮文子談震方家荊州聲山

限韵

丈夫置身非廟廊便合食力勤耕桑誰教鹵莽走京洛
去住兩策無一長天公似憐太坎壈一事獨許平生償
招呼朋好作痛飲逸足快脫籠頭韁城南小莊如畫裏
樹頭一扇風旗張忽從空曠入叢薄積雪寒峭屏山傷

敬業堂詩集卷五

七

籬根涸池受落葉窗面破紙穿斜陽圍爐坐密氣漸煖
稍覺冬律回春光大梓蒸菜芼薑辣滿甕印酒開泥香
蒲萄已充筵上果但見枯蔓牽隣牆初拈險韵鬥傑句
旋徵雅令搜枯腸須臾耳熱更豪劇角逐兩兩爭低昂
傷人却問何所樂我亦自咲狂夫狂三年隻身走万里
絲路裊裊衝蠻鄉豈無釣藤蠻中酒名拚獨酌意緒冷淡難
禁當翻身勇決作歸計又被饑餓驅遊蕩別人騎馬我
徒步鍛羽無分追高翔行藏眼底但如許有意排遣終
悲涼風流見賞古不乏跌蕩慎勿矜辭章明朝定傳好
事口指點此地成驩場安知酒徒殢放意不欲與世衡
鋒銚城頭鴉啼客盡散獨立四顧神蒼茫

與張漢瞻次侯大年韻

竹垞今名家從君賞文格每逢最佳處輒爲浮大白自
抱萬卷書羞隨五侯客養親與一第歲月去已積變體
爲時文頻遭按劔斥皇天老眼暗才地每相厄何妨掃
蛾眉稍稍傳粉澤肯違靜者性彼好此不易

送少詹王阮亭先生祭告南海

祝融南都水環滙赤龍渴飲九州外扶桑日枝万丈高
吞吐晨昏變明晦颶風磨旋鬩帆片蚤雨珠沈蛟室排
幻呈綵縷現蜃樓淡入蒼烟失鰲背不知靈封畫何境
禹鼎無從辨疆界元和一老去作碑廟貌千秋遂稱最
茫茫元氣收不盡好手何人復堪代康熙甲子 帝東

敬業堂詩集卷五

三

巡特遣輅車告時邁瑯邪先生啣命徃嶺嶠星明指華
蓋祠官奉幣紛趨蹌天使陳辭虔跪拜靈旌肅肅雲蓬
蓬一氣流通百神萃向風海鳥聽鐘鼓有眼蠻人識冠
帶時清邊徼無烽燧道遠詞臣多紀載公之文章在館
閣每借名區發雄槩曩時蜀道今海邦盡洩光芒天不
愛後先人物諒無幾才地彼此恒相待所傷或從遷謫
到終恐才鋒東機械如公擁傳真壯遊直放胸期寫豪
快豈徒榮遇際曠典已見風流壓前輩佛桑花發啼鈞
鞀幾日歸航下瀧瀨還朝快示紀行篇浩浩洪波納千
派旁人若問陸賈裘徑尺珊瑚手親碎

題田綸霞少叅山薑詩後

得從京國數追隨，真愛山薑一卷詩。佳處不嫌千遍讀，
識君翻恨十年遲。古人可作心相許，同調無多論稍卑。
便欲借抄煩乞予，手彈紅燭寫烏絲。

小除夜椒崑招同沈韓錫陳叔毅談未菴家聲
山集王巖士樞部齋限韻

蠟燈垂燼夜厭厭，寒薄重裘雪滿簾。得路才華同輩少，
椒崑刻管畏人心跡擇交嚴。座中放論歸長悔，醉裏題
詩醒自嫌等是關山牢。落意年年馬齒路，傷添

次椒崑寒夜書感見示原韻

多生積習未全除，烏有尙勞問子虛。四壁燈明孤影外，
一官霜偪二毛初。也知作客年年慣，若論謀身種種疎。
比似無家還較勝，叩門連夜得兒書。

敬業堂詩集卷五

十四

除夕飲許時菴先生寓齋一首

南衝烟瘴北風沙，每到殘宵輒憶家。土銜光陰飛石火，
瓦盆消息候梅花。百觚濁酒澆愁緩，一杵疎鐘警夢賒。
草草行藏十年事，寒鐙影裏又京華。

小閣圍爐薄雪侵，坐移宮漏夜方深。最憐入座聞吳語，
轉遣思鄉動越吟。射虎殘年留想像，亡羊岐路判升沈。
對床未易論前事，倚賴鳴雞激壯心。

敬業堂詩集卷五

敬業堂詩集卷六

海寧 查慎行 悔餘

假館集上

起乙丑正月盡一年

甲子秋闈被放將出都適黔撫楊公內擢少司馬相留邸舍丙寅冬公以養親告歸臨別檢點詩笈得若干首蓋從公唱者無過數篇餘皆應訓雜作分上下兩卷

乙丑元日立春

忽於此地逢元旦况復斯晨屬早春萬里關河雙眼雪半年衣袖六街塵閉門客少詩初就老硯冰堅墨未勻擬遣家僮擇歸日曆頭愁換一行新

敬業堂詩集卷六

人日和朱大司空作

纔到春晴馬意驕金溝流水玉河橋東風吹綠鱗鱗活倒捲餘寒上柳條

錢幼鯤將遊江右以詩留別和送一首

西江吾舊到爲爾唱驪駒山縣稀逢驛風帆健過湖別離無善狀貧賤有長途草色春衫外飄零奈酒徒

鳳城新年詞八首

萬歲山前百戲陳內城排日作新春金錢多少纏頭費半出朝元會裏人

綺羅珠翠極鮮新襦袴誰憐雪裏貧一樣昇平好時節兩宮春帖進詞臣

杏黃韁配紫貂鞍 天子親祠祈穀壇前隊不教傳警
蹕萬人齊傍馬頭看

纔了歌場便賣燈二條五劇一層層東華舊市名空在
靈祐宮前另結棚

雀翎風細遞傳呼三日 君恩有賜酺飛放泊前騎馬
入文官班次執金吾

巧裁幡勝試新羅畫綵描金作鬧蛾從此剪刀閒一月
閨中針線歲前多

添得樓中幾日忙簇新裙帕紫姑裝一年休咎憑伊卜
拍手齊歌馬糞鄉

繭紙輕敲作鼓聲啣環絡索鐵錚錚踏歌連臂同兒戲
敬業堂詩集卷六

二

何限年光付送迎

花朝前四日朱大司空招遊南莊同田荆巖編

修作

馬首年光柳色新郊原一棹去尋春題詩我是重來客
稱意花如舊識人青幃捲簾晴帶雪好風擡袖座除塵
公如早爲蒼生出絲竹陪遊得幾巡

石陽山莊爲王咸中賦即送其南歸

十載才名滿帝都明朝襍被竟歸吳重穿曲逕尋蒼陽
獨上高樓望太湖放艇有人春載酒打門無吏夜催租
眼前此境殊難得或恐桃源但畫圖

疊舊韻送研谿南歸二首

軟塵堆裏出都亭却指家山入畫屏
笑到清明沙路盡一鞭淮岸柳條青

陌上重聽緩緩歌家如傳舍偶經過
一身有母尤應惜負米終如欲出何

辛苦京華二十春枉緣篝火勘窮塵
有才如此吾猶惜未必天終老是人

春分前一日再遊南莊

每從遊賞發詩端草色烟光漸滿欄
興到不辭連日醉春分猶剩幾朝寒
晴邊苑路差宜馬低處花枝欲礙冠
二十四番風信在與公一度一來看

刑曹關內馬公出知杭州謹呈古體一首

敬業堂詩集卷六

三

名賢展經綸動與事權會何當量才地
屑屑較齊董明公蘊蓄竒出手世無對
關中昨寇豕突掩不戒公時在鄉閭倉卒
發雄槩一呼集義勇指畫定向背登陣氣
勢壯強賊遂巡退守土非無人儒生握成敗
上功得州牧報績果稱最迴翔歷曹郎再使聲
華沛蔚州老司寇許予少置喙推公賢且能謂
足歷當代昨來權北關吾杭扼要害流風揖士子
積弊剔駟僧至今蔽芾棠勿剪頌遺愛大廷崇
吏治一例視中外此郡復煩公托付意有在
府治統九城東南江海漣連山際西北中畫吳越
界繁華昔或然疾苦今百倍婦女力蠶桑丁男勤
耜耒先時辦公稅絲穀長早賣供億苦多門奸胥
巧科派弱

同几上肉色有豐年菜况今兵燹餘水旱互癘瘡千里
水陸衝六年轉輸憊稍期甦喘息亟望爬瘡疥租從
巡幸蠲圖覲流亡繪公今乘傳出膏雨行當霈兒童騎
竹迎父老扶杖拜賤子本部民饑驅走邊塞歸耕自茲
決直欲從公邁

上已後二日同楊耑木出彰義門次日抵涿州
馬上口占

放慢遊韉信意行不教馬力困兼程草低天遠盧龍塞
柳暗烟濃涿鹿城遷次心情移客夢蹉跎鄉社負躬耕
杏花開過清明節猶記橫簫聽賣錫

奉陪朱大司空松林看杏花同吳楞香許時菴

敬業堂詩集卷六

四

王薛澱吳匪菴諸公分韻二首

偶逐肩輿出郭行蹇驢斜照一鞭橫平分節物歸僧舍
背拍風沙帶帝城好鳥啼能添野趣晚花開及向春晴
作詩自取排吟興何必留題識姓名

煖烟濃靄互交加樹裏孤亭四面遮杏酪已調初改火
松濤忽瀉正烹茶內官老作荈菴主遠客閒看禁苑花
果園已屬內廷多謝東風不相笑一枝歸壓帽簷斜

鳳阿山房詩爲侯大年題冊

畫葉吟多手自芟桐花昨夜夢千巖羽毛大好君應惜
從此歸飛正不凡

送徐毅庵歸梅里

綠槐陰下一條街五度東風感計偕路盡始知村舍好
調孤肯與俗工諧雲開馬首重經嶽殺菴歸途將登泰山絮暖鶯
魚恰渡淮想到溪南好風日家人已製笋皮鞵殺菴不喜著鞵

送祝彥方落第南還

來何艸艸去匆匆帝里春殘悵別同歸燕吟成芳草外
跨驢人老落花中枉緣腰扇遮西日悔逐烏裘障北風

駱賓王詩烏裘十往還

勸爾一杯須作達畫眉何取入時工

次德尹見懷原韻二首

倦飛無力出風塵每對來書輒損神失路又成三歲別
賣文何補一家貧浮生泛梗仍孤影上苑攀花偶故人

敬業堂詩集卷六

五

多少五陵裘馬地等閒狼籍路傷春

爛醉旗亭得幾場鄉愁如海詎勝量花紅村社巢邊燕
草綠春陂雨後羊每送歸人因得句漸消奇氣不成狂
便思短策飄然去檢點征袍已八霜

送楊崑木歸里兼寄朱日觀錢昭平朱與三王

子穎陳補思寄齋諸同學

悵斷河梁又一回留真無策去徘徊咲能傾國時方妬
曲到知音調始哀別語感君如骨肉故人疑我竟塵埃
相逢爲話狂猶昔只是生疎酒伴來

端陽後一日同人集朱竹垞表兄齋分韻

愛君庭戶清絕比似長松夏寒荷柄香含風幔櫻珠紅

吐水盤間人不妨門酒樂事無如去官同是江湖倦翼
可憐萍聚長安

送郭臯旭歸平湖

屢下行期又屢愆一官空憶廣文瓊飽經世味貪歸路
老傷時名狎少年席帽白堆蓬鬢雪布帆青入柘湖天
倦遊未必非良策方頃烟波待釣船

畢鐵嵐僉事將督學貴州枉問黔中風土短章
奉荅兼以送行

浪遊我昨趨黔境一線乾坤歎蹭蹬辱公就我來問塗
臨別能無片言贈此邦風物口能說筆墨形容反難罄
但從記憶得大凡一一舟車往堪證荒程香邈六千里

敬業堂詩集卷六

六

冷署蒼涼十三郡荒山無樹茅紛披亂水分溪石綿亘
金蠶閃閃夜放蠱苦霧濛濛晝埋甓經過密箐偶逢人
雙眼睜盱語難聽裹頭黑纏羶覆膝赤脚花苗裙及脛
呼同山鳥似有名籍緣官司總無姓其中一二稍秀拔
畧解詩書誦賢聖憑將流寓較土著有似蓬麻草中勁
卅年况復兩遘亂子子殘黎偶然剩此時收斂加冠巾
亟賴名賢計安定先生制莩傳海內括家家奉龜鏡
昨年選曹得兩浙私爲鄉人喜稱慶公赴銓選初除浙
江學使已而改授
朝廷有意變成格使者移官膺後命勿輕荒微愁遠
宦此去依然執文柄五丁力在山爲開尚闢蠶叢作蹊
徑苗民雖頑亦人類向化何嘗絕天性從來教養視人

事豈謂聲呼無響應幕中浦郎傅功况才士唱和溪山
好乘興公聞此語當驟然快束行裝倚鞭鏡

送葛受箕赴建陽丞

南行風土近鄉關路轉三衢第幾灣簿領老除新佐貳
幔亭天與好溪山松間日影哦詩過花下文書判尾還
葛工楷書如此襟期原不俗宦途有味是蕭閒

喜外舅陸射山先生至都六月望後爲先生初
度同學數子置酒容園爲壽敬賦長句四首以

侑觴

幾遍芒鞋踏帝畿星埃頭上片雲飛漸除豪氣終違俗
纔卸行裝便憶歸晚節尚餘文筆在舊遊併覺酒人稀

敬業堂詩集卷六

七

清時肯擅徵君目收取聲名待拂衣

夜夜星明處士天青山高臥奈無緣癸辛志每隨行笈
甲子詩多入紀年未定草堂天寶後就荒松徑義熙前
身爲甫里先生裔莫嘆貧無一稜田陸魯望詩我本曾無一稜田

小別回頭又隔年重瞻鬚鬢轉蒼然採芝園綺今無伴
善飯江湖老亦仙簾閣日長棋算劫荷陰人去鶴看船
過從最憶須雲閣老樹濃陰庇亂蟬

尊酒名園借榻餘眼中泉石自清腴向來我亦辭巢燕
暫止人猶愛屋烏新沐頭輕從鬢禿穿花步穩倩藜扶
尚平此日差無累懷袖親攜五岳圖

送李蒙山回嘉禾任次外舅韻二首

敏弦歌罷水風涼碧野秋遲未剪霜報道今年官酒賤
公畦小稜秫花香

衣裘容易改寒暄來往無端閱使軒歸夢隨君到蘋末
白鷗飛處是田園

苦雨次少司馬楊以齋先生原韻二首

連旬暑雨不曾休邸舍焚香兀自愁猶勝乃重烟瘴裏
五年三伏滯炎州

剝啄聲稀退食堂生衣十日透新涼閒中筆墨能添潤
一桁簾波潑硯光

東朱竹垞表兄時移居古藤書屋

整姪牙籤萬卷餘誰言家具少于車儻居會向春明宅

敬業堂詩集卷六

八

好借君家善本書

宋次道居春明坊家多藏書皆校三五編推爲善本士大夫喜讀書者多居其側以便借抄當時春明宅子比他處儻宜常高一倍

訓別鄭寒村

闌風伏雨兼旬臥晴路一鈞新月破簾前暑退得新涼
門外泥深成堦坳此時有客過言別蹙蹙毛驢歷歸馱
囊空隣酒賒不來醒相看但愁坐一篇削藁辱佳序
寒村臨行爲余序慎旃二集 七字留詩慙屬和余才弁陋非爾敵強
以珠璣承咳唾甬東同學屈指論徃徃傳經接師座
寒村俱出黃門故人再與瀛洲選謂介眉滄一鄭榮陽尚摧挫與
失群行李獨淹泊有價文章久傳播燕山此度六徃來
未免征衫被塵浣干時少術非爾病當路無援是誰過

向來人盡棄所長遠到君能見其大古人可作迺殊代
同調相求凡幾箇勿將時命較窮通只許才名出寒餓
羨君有志成果決笑我無端逐游惰偶逢知己私自嘆
每送歸人輒相賀荆榛滿地羊觸藩日月周天蟻旋磨
故鄉樂事殊可憶欲往從之正無那秋風一騎不可留
八月江田熟香粳

范性華徵君屬題陳憐小影

小像沉香手自熏前期如夢却疑真五湖忍負閒風月
爲少扁舟共載人

送聲山姪之湖口二首

自憐萍梗尚京華勸爾江湖飯好加南北豈堪頻送別

敬業堂詩集卷六

九

去留等是未還家遠書到眼秋垂泪時聞翰荒兄
長沙詩信隻影

挑燈夜落花如許流光真痛惜校量何計穩生涯

萬頃波心坐白鷗一天涼雨到扁舟三年廬阜虛前約

往在南昌與聲山相
約入匡廬度歲不果兩度潯陽感舊遊帆葉依依重入

夢蘆花瑟瑟正交秋青衫尚洒琵琶泣那得平銷我輩

愁

墮馬歌爲朱悔人賦用李茶陵集中韻

朱髯別家久不歸如鳥羽倦猶孤飛踵決曾穿雪中履
綫綻未補秋來衣長安城中多第宅年少翩翩好裙屐
青絲絡馬裝馬鞍騎出從誇新買得髯乎足不出戶庭
塵高十丈看橫行忽然欲詣良友酌正坐倚壁空鏘罌

蹇驢力小不任重性命敢謂男兒輕牽來未識北馬性
借得大感東家情掀髯却上跨鞵坐掣雷流星一鞭過
此時逸足縱莫收造父芻觀巧難佐跡馳駕馭良匪易
馬上人從馬前隨鏡中欲博齧齒咲賦裏偏憎插花賀
康莊大道城西阿失足何必皆坡陁有生所事非意料
未許輕薄相嘲訶當年頗怪王處仲曾爲伏櫪生悲歌
虎頭失計始投筆猿臂何物誇橫戈不如漢陰歸閉戶
安穩生涯信徒步未成矯矯鶴南飛那免熒熒兔西顧
夕陽牛背輸牧豎夜雨蘆中負漁父故人乘車爾戴笠
此作叅軍彼主簿天生爾以不羈才困躓風塵是誰誤
眼前只作墮馬看一跌無端豈終仆印須肯赴舟子招

敬業堂詩集卷六

十

將伯誰爲輔車助我生鹵莽事奔走屈指歎崎嶇畏路
尚逐他人肥馬塵浪遊此出凡三度似聞樊圃限狂夫
便合因君警晨暮

上少司成徐蘋村先生二首

數仞宮墻入望新鼓鐘相應在成均何期當路心猶折
如此憐才意始真魚鬣欲騰燒後尾琴材偏賞爨餘薪
百川東下何須問賴有狂瀾手障人

韓愈猶居博士員風流此外孰隨肩來叅講幄三千士
及聽聲華四十年樂地不踰名教外人才都定咲談前
讀書射獵論初志直爲從公願執鞭

送周雪客赴太原藩幕兼訊安邑丞陳六謙

半年裙屐軟紅塵，旅橐多緣好事貧。
手板老方除佐領，幕僚古亦屈才人。
巖關夜度荒雞月，絕塞秋高一雁賓。
投轄舊遊豪氣在，莫將俗吏視陳遵。

題張漢瞻望雲圖兼送其歸膠城

風流取相賞，至性關感動。我交天下賢，孝友得張仲學。
成家轉貧母在身，愈重長因負米出。屢缺晨昏奉天如，
憐斯人，不忍付寒凍。但令邀一第，薄少分半俸。
蓬尾戀慈烏，竒毛刷雛鳳。中情稍自慰，白髮免尸饗。
如何舉子場，久抑禮部貢。賣文給衣食，頰首逐儕衆。
三年長安城，側足塵瀕洞。布衣慈母綫，風裂秋來縫。
坐遣望雲心，時結飛夢誰。從筆墨下寫此肝腸痛，披圖見君意。
我乃

敬業堂詩集卷六

十一

有餘恫，平生蓼莪詩，廢置忍再誦。菽水不逮親，偷生復奚用。
君今及歸養，此樂世罕共。板輿隨春遊，金經侍晨諷。
好與劖雲根，靈護手親種。

送汪寓昭南歸

國家制科設，取士數亦移。苟非得其人，臚仕真瑣瑣。
子來試南宮，命中弦激筇。千言屬廷對，一一明珠顆。謂宜
遂騰上帽，壓宮花朵。群飛或刺天，而子足猶裹束書欲。
南下躑躅，每未果。草草薄遊裝，昏昏短檠火。半年仍旅
食，今始買歸舸。一涉仕宦途，古人比韉鎖。子方富年力，
抱負况磊砢。更讀十年書，識老才亦頗。井然見經濟，歷
試靡不可得第。未得官於遇，非輒軻。子如歎失意，何地

更處我

送何雪神宰溧陽

嶺表才名久軼倫一官江界去逡巡五千里外飛鳧地
三十年來謁選人可有孟郊爲縣尉長容閔貢作州民
謂宋梅知鳴琴以外無公事花氣能銷簿領塵

周廣庵編修席上分賦秋蘆十六韻

秋入江湖濶天連葭菼荒懷人方渺渺極目但蒼蒼
搖落空洲畔參差枉渚傍拂莖看漸老抽笋記初長
露壓梢稍重聲添葉葉涼戰風迴折戟溜雨得沈槍
寒水依痕靜殘暉弄影忙白疑先挾雪青愛乍經霜
暗浦菰交暝沙田稻映黃就橋迷蟹斷引路入漁莊
錯莫招窮士

敬業堂詩集卷六

三

延緣阻一方寒蟬遺晚蛻遠雁落斜行鬢篋悲辭漢
琵琶怨嫁商托根隨地有薄植過時傷織箔思蠶事
編簾隔草堂刺船如有約吾興在滄浪

秋夜集古藤書屋時梁藥亭將歸南海聯句送

行此首亦刻曝書亭集

露葉倦未飄雲鴻遠相引朱竹垞星埃感蓬勃物候變淒

緊湯西庄悵悵八達達有客發修軫海餘僕夫在郊垌稌

黍被隰梁藥亭杼車浮淪瀾舍擢度噫麟朱雷殷風息

颶海大魚見驚湯峽猿有時歸南雪終不實查八九月

之交六千里而近梁懷居興雖洽判袂情詎忍朱置酒

青藤陰入門走蛇蚓湯颶颶涼颶動灑灑纖月隱查山

杯深窪匏野菽脆嚼菌梁迎寒笳卷葉戒夜鼓鳴篋朱

談鋒騁矯雄詩械破室窘湯毫毛秋穎脫墨光古香吮

查臨當黠然別且復莞爾哂梁炎瘴固所便眠食勗惟

謹朱行看早梅墊到及蟄蟲湯前期久勿忘鄉夢今

迺準查穆如清風篇持以示均尹梁

再送梁藥亭次大治司農原韻

草低天遠見牛羊九月燕山早得霜去國一樽秋惜別

入時雙黛老羞長飛鴻與作書空字落葉輕如度嶺裝

一物差堪銷客况難拋鄉味是賓郎

王黃湄給諫屬題紅袖烏絲圖二首

十級丹梯百媚城小欄高下得芳情美人一笑花齊放

敬業堂詩集卷六

三

爲報毫端鍊句成

橫幅看題幼婦辭箇中多識背時宜只除一事曾瞞却

諫草焚來不遣知

重陽後一日長椿寺讌集聯句此首已刻曝書亭集今附錄

九日倏已過姜西濕雲漫四郊森森長雨垂朱竹颯颯

虛檐拊病葉戀冷枝梁藥亭驚鳥盤空巢晨興踐夙約陸射

山攬袂皆貧交勝引雙樹林魏禹宛若深山均藤縮三

秋蛇張漢槐舞千歲蛟頰柿迸露實朱海金英坼霜苞

紅的的吳黃陳叔毅碧茸茸秦芄瓦溝窺湯西戶網

牽蠪蚶蘚深鼻蠱伏查梅篆古蒲牢哮粥魚晝浩浩俞大

文牆雞午膠膠光景歛明晦姜眺覽窮櫓櫟新耐綠滿

竿朱晚菘黃充庖豈意青豆房梁俄頃羅嘉肴鳴薑臠

紫蟹陸題糕餘彩貓子鵝新韭配魏鮮鮒枯荷包已見

雉膏登張况有兔首魚分曹王鈞射朱角力骰盤拋急

觴易沈頓陳緩帶便爬抓一飲動一石湯載號或載叻

同聲唱者和查含意漆在膠五言乍妥貼俞十手爭傳

鈔雖乏韶濩音姜宵使下里骹合并洵匪易朱顧我中

心恟歸帆艤舫梁別騎籠鞅鞞遷迤陟荒岡陸邪許

擗長筴免泣卞和璞魏且誅宋玉茅巾縛不借履張泉

酌呀然匏檳榔蕉柳荔朱都蔗菱菰芡雞頭祖竹萌陳

翠羽官梅梢熟知江鄉樂湯莫厭潮田磽招隱丘中琴

查勵志責上交豈必馬足塵俞逐逐營斗筭姜

敬業堂詩集卷六

送侯大年歸膠城

古

惠子春深跨白驢惠元龍季鷹秋晚憶蓴鱸張瞻窮

歸甌粵吟詩客高雲客老奉龍舒養母圖方田伯過闕

梁鴻仍感噫梁藥亭多才王勃尚江湖王孟穀自君今

又掛南帆去寂莫黃公舊酒壚楚入滇

顧培園宮贊寓齋燈下賞菊探韻限爲字

劈牋重和去秋詩葉底花前榻未移却對清尊驚候晚

尚留名種愛開遲閒情特許攜燈就畫葉猶煩蘸筆爲

莫話陶家三徑事年年此景負東籬

劉雨峯蕪隱齋小集

四門稱博士五載住京華客醉新支俸庭開手種花塵

埃何處着書帙逐年加不道成兼隱官清只似家

禹平南歸詩以志別

辛苦論交地追歡得幾回却忘吾久滯翻望爾重來才
恐隨年退眉還仗酒開知音真有數流俗任相猜

燕臺歲寒雅集同王后張錢越江顧九恒彭椒
崑吳萬子孫愷似王崑繩錢王友徐子貞高遠
修孫子未王巖士陳叔毅湯西厓談未菴馮文
子俞大文家荊州作二首

一天殘雪冷晴暉高會金臺近已稀我輩論交終落落
他鄉對酒倍依依蒼茫敢信前期在輕薄翻疑古道非
得路何人能折節向來同學儘輕肥

敬業堂詩集卷六

五

檐花檐雨夜沈沈猶憶年時載酒尋忽漫回頭成昨夢
每從失路檢初心殘碁吳越尊前壘短褐冰霜歲晚吟
同調尚留公等在敢憑餘子說知音

偶過史胄司編修齋賦贈

每從朝退得閒情深巷稀傳剝啄聲視草才矜編集富
簪花格愛學書成茁來玉樹枝枝秀賞到冰壺事事清
怪得官清能下十五年前一諸生

敬業堂詩集卷七

海寧 查慎行 悔餘

假館集下

起丙寅正月盡十月

寄題宋漫堂觀察園亭六絕句

村烟雨外青沙草，
岼頭碧欲知春淺。
深風到鱗鱗活

綠波村

菱角初翻刺雞頭，
未剝圓涼風吹酒醒。
人上過溪船

芰梁

春水綠于頭，
春花紅似掌。
漸次去人遙，
鳧鷖雜三兩

放鴨亭

團瓢不鬻茅，
擁蓋松陰下。
茶熟正吟詩，
風濤入懷瀉

敬業堂詩集卷七

和松菴

魚篷閣淺灘，
閒却絲綸手。
長被酒家翁，
紅腮偷貫柳

釣家

白鳥點蒼葭，
沿流畧行斜。
愛他丞相第，
簾箔似村家。
即文

康公舊居也

緯蕭草堂

送顧九恒南歸

柳汁春回翠，
滴衣羽毛雖好奈。
孤飛行期屢，
改今才決

同調無多去，
轉稀換眼舊。
遊隨夢散，
掃眉新樣入宮非

杏園已是攀花客，
終勝初程下第歸

俞大文出都同人祖席分韻得郎字

客中送客春茫茫投牀夜夢得故鄉

前五日九旬來怕恒別去

客中送客春茫茫

聽叩門別君又結束匆匆裝出都贈行例有句况我與

子情難忘我時正坐作詩瘦不耐冷淡搜枯腸典衣且

復就劇飲醉後亂發如風狂憶君年當十五六談笑目

已無盧王曾蒙佳什盛許予駘鴛鴦下非敢當

辛亥秋大文賦

駢馬篇見贈

厚意寧能久不報積逋耿耿今粗償識君最早

莫如我只恨岐路趨殊方萍踪一散十三載兩曜轉轂

驅星霜班荆故國再相見孝廉船繫禾城傍才人生還

話絕域詞客遠別歌河梁

以上叙癸亥春與大文揭謙同集吳漢槎鴛鴦湖寓樓事

片帆湖口浪滾滾匹馬薊北冰破破竭來酒市並儗舍

我極潦倒君飛揚故人聯翩貢禮部屈指仇

滄柱顧恒

敬業堂詩集卷七

二

徐子貞

陳廣陵汪寓昭

君於其間最年少爭看白面俞

家郎風擡袍袖綠陰合花壓帽影紅綾香文章自足取

高第仕宦何必皆巖廊旁觀愛才或太息達士安命無

摧傷鑿輿昨者東幸魯曠典百代傳輝煌君今應聘

往纂述豈異扈蹕來登堂直從國書採鉅麗不比家乘

搜散亡誰云小試著作手會見奎壁垂天章

時大文應衍聖公聘

纂修幸魯盛典

偶然便道一返里山青雲白遙相望眼前合并

那易得歸興未抵離愁長鞭鞞已出軟塵外裊裊絲路

穿垂楊

移居詩為姜西溟作

自我來都城三見君移居前年街東住夕陽到庭除殘

冬徙巷南北戶風攪裾今臨大街西朝日明窗疏短生
寄長世天地猶遽廬矧乃一榻安綽綽良有餘君才本
絕代應 名來公車姓名上史館著作登石渠大倉五
升米既飽同驩娛漆光拭修髯外澤中不枯有時典裘
褐間架如期輸卷軸不用籤錯置圖與書偶從移居候
整艇驅蟬魚經旬復成堆零亂巾箱厨即此見真率寧
能事奔趨朱門曠蕩開無地置爾軀請看名山業終古
歸繩樞

王忍亭主事招遊相國宛平公怡園二首

沙路開三徑名園甲九州不緣君愛士那得客同遊好
鳥來宮樹春冰落御溝野人雙眼豁初見 賜書樓

敬業堂詩集卷七

三

見說門前路鳴騶日日來簇燈春宴罷踏鼓早朝回華
萼居相望平泉第對開從來論相業原不廢亭臺

上大司成翁鐵菴先生

虞山龍蜿蜒昂首挹海若滙爲人文藪嬪與代有作我
公實名家聞世出騰躍却將波瀾勢捲起向寥廓國家
取士途 括制仍昨後生奉師程體裁就拘縛蠶叢岬
負固斤斧孰開鑿巨手得韓歐呀然啟鏤鑰文昌一星
曜餘若螢火燭以此結 主知廻翔上館閣十年執文
枋出入兩不忤東郡昔掄材雲羅恣搜索遂令齊魯風
一變起積弱至今劍光在識者辨干莫文運際中天四
方視大學頗聞長老語斯地久寂寞簏囊器空懸豆籩

禮猶託春秋刲羊豕朔望奠罍爵四門官俸輕六館廩
餼削惟留古時栢枝幹尚盤礴花甃饑啄鷹門拱暮巢
雀庭荒狐狸竄人去蝙蝠掠壁書畫摧殘獵碣字剝落
偏傍按點黜星隕不可攬自從 萬乘臨廟貌再丹雘
臯位祭酒此座不輕著新城轉官去士氣孰聯絡公
來一震聳造就指不各外貌謙以和中懷嚴且恪從公
日子邁人有執經樂園橋看濟濟在泮咏躋躋方當發
賁鏞豈獨警道鐸三千萃絃誦餘地故綽綽移時具規
撫次第布條約經術植本根史書覽大畧詞章及文藝
餘事拊承萼必若計栽培先須破根格力圖古制復事
異虛名博煦者春達萌釋如秋解穉時情重成例清議

敬業堂詩集卷七

四

動多格憐才出至性此意感非薄賤子望塵來三年客
京洛門墻雖濫厠鞭策稍知懼公于汲引塗取予必斟
酌何期納百谷亦復收一勺傾僚方自茲惟公鑒葵藿
清明日同玉友荊州出右安門就旗亭買醉晚
至朱大司空花莊復留劇飲即事四首

新烟淡淡柳梳梳雨洗輕塵出郭初遠客不知京國好
酒旗風裏話田廬

三鴉岐路小車歸一曲花遊簇作圍春色盡隨紅艷隊
明朝蛺蝶滿城飛

聯鞍緩鞚去逡巡覓句沈吟苦鬥新忽漫詩成狂拍手
墮鞭驚起馬頭塵

典衣偶出爲尋春，重向名園叙主賓。
慙愧公卿傳好事，一時狂號屬三人。

摩訶菴看杏花次司空公原韻

壺盧酒熟鳥催提，路轉松迴別有蹊。
艷入繁枝停畫鼓，淡教微雨洗花泥。
開遲翻悔來看早，興好方嫌飲量低。
却被閒僧嗤好事，一雙蠟屐舊曾攜。

三月三日朱大司空招集南莊限三字

一旬雨雪春淹淹，餘寒尚帶三月三。
滿城花信近桃李，客舍冷落思江南。
司空園亭傷水際，初已有約來停驂。
郊原霽色忽入眼，豁若明鏡初開函。
草凝露光翠撲撲，柳挾風勢青參參。
檐牙燕巢看新補，枝亞雀殼俛可探。

敬業堂詩集卷七

五

蘭亭勝事俗久廢，京洛良會情尤耽。
輓轡轉水百尺底，繞砌曲折歸澄潭。
不須絲竹發豪興，自有風雅供清談。
銅壺靜傳竹箭響，蠻榼遠費桃枝擔。
先生名高暫解組，公子官好能抽簪。
閒從門生_{諸公皆先生門下士}奉几杖，猶許野

服來相叅古道力。持公自厚群賢不鄙余，懷慙久留帝鄉亦何爲。土俗節次差能諳，放鐘撇卯等兒戲。歲月過隙真奚堪，大杯一澆壘塊散得飲。且復拚沈酣，前期更有聽鶯約預辦斗酒攜雙柑。

喬石林侍讀一峰草堂看花同外舅陸先生朱十表兄錢越江周青士孫愷似湯西厓分韻

愛花成癖不待招，春來徧踏東西郊。
起聞啼鴉送春去。

猶跨短鞵搖吟鞞斜街草堂地清絕瘦藤當戶挈老蛟
土墻面紅窳堵沙徑曲曲青盤坳磬頭暗皺高下石
亭子乍翦離披茅巧從陰借桃李杏惜少水養菰蘆芡
棠梨素粧太淺澹繁葢亂拆丁香苞新開海棠好顏色
兩樹氣壓千花梢主人爲言初買得舊根帶土枯蒲包
擔頭親爲解其縛位置特許依書巢栽培本關造物意
人事未盡休輕嘲鬪泉口嘗手自灌及見紅艷青葱交
他人買園身不到君乃僦屋情難拋花時連日得休沐
剝啄有客門頻敲行攜几榻隨分設野蔞蒸薺樽窪匏
偶然興到觸佳句已被萬手爭傳抄我詩不工強屬和
出語毋乃同號嗽不成甘受金谷罰忍負新月垂弓弣

敬業堂詩集卷七

六

是夕再飲巖窺菴侍御鸞枝花下三首

賣花聲裏過斜街不記招尋月幾回只有繡衣眞愛客
印泥封酒必同開

僦居喜近慈仁寺移得鸞枝隔歲栽報道退朝今日早
東欄昨夜有花開

矇矓眼纈隔窗紗曾入東隣學士家一醉竟須煩二主
可憐頻對客邊花

送叔毅南歸即次留別原韵三首

到處誰當却掃迎去留此際計非輕自收詩上還山集
何取人傳入洛名三世羨君猶共爨百年爲客總勞生
豈應陳孺長貧賤如許鬚眉徹骨清

場來挾瑟並燕中廡下猶欣傷伯通

謂嬖

儘有狂言容

數子每從高會廁諸公淋漓醉射東方覆蹀躞群看北

野空恰恰酒人從此散一天無賴柳綿風

九恒大文未
卷西厓俱先

後出

敝廬好在龍山下藤蔓花梢一一垂春草池塘空入夢

德尹復
遊嶺外龍岡窈窕杳無期封書病檢山妻藥陳箴慵探

季子錐百念因君多撥觸最愁人是望鄉時

重過摩訶菴老僧以新茶見餉

細色綱從馬上催筠籠先爲老僧開鬢絲禪榻前因在

直愛茶烟又一來

慈壽寺

敬業堂詩集卷七

七

摩訶菴西慈壽寺老樹盤礴爭奇雄當門古塔少梯級

合沓直上烟霄空迴廊二千五百步一一畫壁堆青紅

仙山鬼府靡不有搜神志怪殊未工雲旗飄飄翳白日

闕殿肅肅來陰風不知茲寺創何代負墻古佛塵相蒙

居僧兩三乞食去好事欲問嗟無從手揩雙眼看碑碣

歲月却記明神宗是時海內際清晏嗣皇冕藻年方冲

雞鳴問寢駐銅輦瑞蓮獻賦歸新宮

萬曆初年瑞蓮產
慈寧新宮閣臣申

時行王錫
爵俱作賦一朝家法古無匹聖母不在垂簾中偶營紺

宇祝萬壽未可概議物力窮百餘年來就頽廢鐘鼓尚

與隣菴通君不見內官葬域抱山麓異時祠廟還穹窿

夜宿養素堂東偏

裊裊一枝藤疎疎幾行柳籬落吐燈光鄰家猶賣酒

秘魔崖古栢長二尺許俗傳隋仁壽中盧師手植

連岡東北轉鬼物托幽秘瞰空飛一片石縫舒右臂老
鴉銜栢子偶向駢拇墜飛泉難仰流長此學拳翠相傳
閱千載僅可二尺計勸龕誇偉力此語吾所鄙猥蒙雨
露恩竟負栽培意兒童斤斧脫大匠棟梁棄寧非干霄
姿吁嗟守憔悴

從磨石口至翠雲菴

亂山中有崎嶇路時聽征車撼石聲行過翠雲塵乍少
馬頭麥浪綠初成

敬業堂詩集卷七

八

立夏前一夕大雷雨宿西山麓

臥聞風雨聲惜此花間路沙路不成泥披披曉窗霧猶
嫌入山淺未到雲生處

日涉園送春

驚雷掣雷夜窗明忽轉雲頭又放晴夢裏似曾聽雨過
曉來不礙看山行紅衣匝地枝枝瘦翠幄支天葉葉清
遊興有餘春向盡暫時經眼倍關情

早發杏子口暮至香山

西山灣環勢向東兩角到地形垂弓客從山南走山北
耳畔箭激颼颼風茗遙一程晚始達喘汗未定馬力窮
入門翻愁磴曲折落澗已愛泉琤琤居僧指點最高頂

十里近與前岡通冥冥一綫縈萬丈蜀鳥飛去啼春紅
人間何處無捷徑失足怕落荆榛叢吾寧迂遲就坦道
肯試竒險爭樵童殿西一軒得空曠雲根倒插下積空
夕陽將墜尚未墜數峰晴意憑欄中回頭却望來處路
已被遠樹遮溟溟

再宿來青軒

景物蒼茫感舊秋

甲子曾宿此軒

還將筋力試重遊行穿下下

高高路題徧山山寺寺樓捲幔微風香忽到瞰床新月

雨初收洗空塵土三年夢一夜鳴泉傍枕流

山下有泉名甘露

永安寺頻婆花下

啼鳩聲中日向斜閉門春盡似村家黃蜂飛過短牆去

敬業堂詩集卷七

九

零落頻婆兩樹花

從洪光寺下十八盤取道而歸

洪光我昨到石徑盤曉纓不知眼界寬但覺足力費茲

遊及晴爽勝境天所乞

去聲

泠泠松上風倒洒泉泌沸路

窮寺門出氣象非昔謂關河劃然分有若列涇渭平疇

某布罽萬象經錯緯舊遊領新得噉蔗飫餘味重尋周

歷處畫像儼中貴

寺爲正統朝太監鄭同所建按碑記約費七十万

輝輝金碧

光尚壓一山氣峰高此爲最興盡我猶未何當躡其巔

西覽韓趙魏

訓陳子文安邑見懷之作

新詩讀罷一摧顏何限心期悵望間塞柳關榆遮不斷

數峰春雪太行山

白芍藥和孔心一少叅二首

扶頭一笑粉生光，鏡裏匆匆看改粧。
金餅賺來初罷浴，瑤階行過但聞香。含嬌似爾情難禁，
太潔從人忌不妨。莫向中書誇故事，
素心羞對紫薇郎。

便從姑射擬肌膚，那許餘容伴鼠姑。
美酒對傾金鑿落，佳名果稱玉盤盂。
鶴翎舞拂新時樣，獼髓痕消舊日圖。
珍重一襟冰雪意，殘紅掃地近來無。

送湯西厓南歸兼寄嚴定庵

古寺槐交陰微陽轉水簾，
上聲與君初握手片語示肝膽。
來當傾蓋新久覺忘形，漸相過日不隔懷抱兩無忝。

敬業堂詩集卷七

十

言我難緘嬾病子未減彌縫補其闕，
瑕類膏互掩子才隨地湧百斛走歛灑。
屈首舉子場十年困習坎隻身泝瀟湘，
盛氣生勇敢歸來翻一笑。函匣劍光閃未免為時名，
束身就繩檢酒徒遇燕市搖落自多感。
兒曹太輕薄載鬼白日魘榆搶斥鷃如冠著沐猴儼彼頑何足校我白故無玷袖恨素心人晨星散疎點金溝送別處屢見風柳颭子來辭我行忽若猿出檻足矜行卷富何礙歸襄儉溪堂行補苴湖舫待剗刻開籬受竹色擇石置崖六青茭鴨脚葵白剝鵲頭芡隣沽貫新執詩韻鬥奇險此樂吾久疎歲月徒荏苒兩堂倘問訊應惜緇塵染

閏夏飲竹垞表兄古藤書屋限藤檉二字各成

五律二首

曲巷居相近迴欄到每憑爽開尋丈地陰合兩邊藤幽
事披襟愜新詩計卷增

時竹垞騰
咲集初成

醉探杯底綠涼影落

層層

碧草柔牽蔓紅花細着煙客稀成雅集屋老稱佳名淒
淒雲催暮疎疎雨放晴家園風景似只是少啼鶯

雨後龔蘅圃攜酒古藤書屋分韻得能字

結隣君最好苟舍綠陰增榻愛同時設門教一僕應異
書便借看新句急催徵許我時相就衝泥到亦能

曲阜顏母朱太夫人壽讌詩修來吏部屬賦四

首

敬業堂詩集卷七

七

玉女峰連泰岱青人傳翁主是前星朱門昨夢滄桑變
白首餘年患難經綸翟恩曾邀北闕扶搖風又徙南溟
勿論陋巷家聲在母德還堪作典刑

郝鍾禮法尚嫌疎公較門風正不如壽母有詩存魯頌
世家無例闕班書五雲扇底分儀仗八座花前侍起居
慙愧潘輿輕作賦金根還有嫁時車

唐德宗朝趙國公
主下嫁始用金根

車

霞帔重加舊日冠慈顏一咲一加餐從看舞袖迎花誥

猶記傳經傍杏壇吏部文章今卓卓翰林風骨久珊珊

謂淡卷
太史

同時丹穴雛皆秀世澤方知擬似難

水天閒話屬葭葦葦異數曾聞拜舅姑娣姪紛紛齊庶士

門墻一一魯諸儒王姬老去樓仍鳳顏氏歸來巷有烏
不爲尋常誇燕喜八千親寫壽護圖

飛蝗行和少司馬楊公

去冬臘雪不蓋土今歲天行旱幾輔門前有客來故鄉
爲言千里皆飛蝗綠陂青野一時失但見黃雲蔽白日
我聞此語方長歎愁坐不知天字寬有聲菽菽自南至
驟聽乍疑風雨勢舉頭杲杲燒火輪中庭過影何紛續
蜻蜓蚱蜢亦群舞修度宮城齊振羽宮城十丈高魏魏
誰能禁爾漫天飛

武陵楊長蒼重來都下感舊有贈

建業相逢記一樽飛蓬心跡感重論舊家春燕烏衣巷

敬業堂詩集卷七

七

故國秋仄覆盜門愁倚白頭絲減鬢閒繡青史泪交痕
可堪潦倒風塵際還見元和一品孫

送孫少司空督濬下河

神京建西北歲走東南漕去聲轉粟上青天黃河扼其要
元時用海運年久有成效此議今難行將毋物力耗宣
房十年築甯旰煩廊廟千村收竹隄十郡供柳埽百
萬縻金錢一支歸故道吾君如唐堯勳德在覆幬百
神胥受職河伯敢陵暴猶復念民勞南巡趾親到下流
得地勢海口計疏導紛紛異同論破例寧意料學士居
禁林十年不輕調汝往作朕虞欽哉奉明詔歲輸發
內帑恩澤蒙再造畚鍤興如雲邪許相慰勞和衷事斯

集正氣神可名芄芄黍苗歌可乏陰雨膏渠成萬世利
績待暮年報

送楊筠湄通叅赴任奉天

國都燕京遠左本根倚東西營鎬洛周制正如此城
闕遙相望關隘紛可指設官重保障未可猛政理阡陌
屯田開戶口豪右徙卅年盡土著烟火變墟里仁人來
撫循爾輩皆赤子

呈少宰董默菴先生二首

丹霄地望絕攀躋尺五城南万仞梯日月文章韓吏部
天人經術董膠西都無半刺通干謁却媿凡才出品題
此日黃金臺畔路不聞伏櫪盡長嘶

敬業堂詩集卷七

七

注籍紛紛屬貫魚積薪時論近何如尚煩故事從容入
及見銓曹次第疏閣下銜仍兼學士殿頭班欲領尚書
文章得路如公少還恐爲儒計或疎

吳門徐彥通來都得惠研溪近問疊紅豆冊舊
韵荅之二首

勞勞別夢短長亭兩度秋風冷畫屏忽聽故人傳尺素
夜長添對一燈青

廢屢愁聽室人歌拚却長程歲月過我已髿毛秋換綠
不知君髮更如何

名園婪尾醉燒春豪氣曾陪末座塵此日青衫尚留滯
蹇驢腰扇怕逢人

次馮文子南歸留別韵

高視沈寥天，俛瞰廣莫野。斂才就實地，始信得力寡。文章技尚卑，矧乃論騷雅。方期木雞養，不礙伏虎啞。讀書滕口說，正坐氣難下。築臺逃文債，支戶辭吟社。靜觀得妙理，擾擾何爲者。因君又多言，餘習吾未舍。

當湖王復園索贈次沈繹堂先生原韵，即送其

歸

寂寞名山業，蹉跎始自憐。長途添白髮，老眼望青天。夜雨新豐市，秋風下溟田。夢中歸路近，帆卸郭東船。

與顧梁汾舍人次閣學韓公韵

不是微之定牧之，紫薇亭擅舍人辭。十年未就歸田賦，

敬業堂詩集卷七

十四

衆口猶傳赴洛詩，往事相關碁已散。秋風纔到鬢先知，怪來東閣留賓地。難遣深情是酒卮，時舍人有亡友之痛

九日飲朱大司空南莊二首

雲物蒼涼感鳳城，良辰難遇是晴明。同時那得人偕集，

是日西濱葦集萬柳堂余不及赴

去日渾如客餞行，大漠寒烟凝朔氣。

空林殘葉墮，秋聲籬邊舊。是餐英客省對黃花，倍有情。不是藍田別，有莊三年此。地作重陽先生出，郭仍攜酒獨客登臺。又望鄉天濶，一鵬盤遠勢。風高群雁起，斜行茱萸諸弟遙。相憶應料新來鬢，點霜。

少司馬楊公見和前詩，有登臺把酒之句，追憶

落帽臺舊遊已八年矣，再次前韻奉訓二首

迢遞關山隔楚城，亂猿啼處記分明。
瘴花瘴草重陽候，秋雨秋風絕徼行。
匹馬幾回經戰壘，荒臺三面走江聲。
再來京洛追陪地，望遠猶含萬里情。

青楓白菊夢漁莊，驚起窗窗正夕陽。
賴有新詩酬好節，敢云游子戀他鄉。
風聲捲地迴遼海，山色迎寒入太行。
一片清砧聽不得，做裘容易改星霜。

得談未菴沙河書却寄

涼燈四壁光燦此，一雙葢終宵不能寐。
詰旦占有喜起，接故人書窗日穿。
故紙披襟再三讀，感慨忽中起憶昨。
初訂交秋風燕市裏，余時新落第邂逅得吾子。
子名雖早成，尚索長安米。才高氣激直罵座，酒頻使我故失意。

敬業堂詩集卷七

五

人謂子不宜爾，子行將筮仕鸞鳳樓。
棘枳縣令古難爲，位在百僚底。上官任喜怒，下吏望風旨。
剛者號木強，弱恐隨波靡。不卑亦不抗，斟酌具至理。
子才百事能，所少或在此。今年子謁選，畿輔得百里。
是時方旱蝗，黽勉到官始。單車行就道，奴僕孿生趾。
近聞沙河城，善績紛可紀。賦蛇餘毒去，政虎隣邑徙。
保障安流移，枹柝靜奸宄。神明咏來暮，父母歌樂只。
租稅如期輸，蒲鞭免撻捶。民譽慰攸歸，官聲被褒美。
寧非讀書力出手，見根抵乃知。賢豪人未可，私意擬向來。
吾錯料失語，徒抱耻。感子諒我真，肝膽終見委。
得路念貧交，幾人堪屈指。自傷志力薄，無以赴知已。
行當賦歸耕，塵俗庶一洗。願子益自愛。

友道在永矢前期不遐遺折東到桑梓

次大冶司農韻送顧與田還金陵二首

及見開東閣俄聞把別觴沙痕雙髻雪寒色一裘霜老
覺游情倦貧銜故意長獨留青眼在此外任炎涼

一片隨陽雁郵程取次過馬頭回紫塞冰高渡黃河手
寫還丹訣神傷過闕歌承平風物似遺老剝元和

奉送少司馬揚公 子告養親四首

聖朝孝治在敦倫 詔許還鄉爲養親平格已推黃閣

老

公今年適周花甲

行期先報白頭人卷舒在我何關命進退

無慙好乞身此日魏舒仍襍被却從去國始知貧

從開絕域震餘威悵望多年子舍違退自急流從古少

敬業堂詩集卷七

十六

老猶孺慕似公稀東門祖帳傾城出北闕 恩光拜表

歸書錦堂開春晝永咲將綵服換朝衣

萬事長安一局碁角巾私第未嫌遲卽論世道寧無補

欲報 君恩况有期春服暫寬腰下組茶烟初驗髻邊

絲粉榆父老來迎謁應羨精神似舊時

油幕追隨万里過兩年假館又蹉跎吟聯樺燭枝枝跋

酒上塵顏夜夜酡含意每爲知己盡不才眞怕受恩多

公歸我客全無爲誰聽荆南寡和歌

時余將移館北門

敬業堂詩集卷七

